

湘綺樓全書



七言歌行卷第四 唐詩選弟十

長沙湘潭王闓運字壬父撰

序目

閻朝隱一首 沈佺期一首 顧況八首 任華一

首 盧仝九首 劉义二首 韓愈一十三首 李

賀二十八首 唐扶一首 沈傅師一首 張碧一

首 鮑溶一首 韋楚老一首 李商隱一十一首

趙牧一首 溫庭筠一十首 崔珣一首 陸龜

蒙六首 李沈二首

右錄一十九人詩九十九首

祕書少監貶通州別駕欒城閻朝隱字友倩

鸚鵡貓兒篇

并序

鸚鵡慧鳥也貓不仁獸也飛翔其背焉嚙啄其頤頰
焉攀之緣之蹈之履之弄之藉之踰蹌然此爲自得
彼亦以爲自得畏者無所起其畏忍者無所行其忍
抑血屬舊故之不若臣叨踐太子舍人朝暮侍從預
見其事聖上方以禮樂文章爲功業朝野歡娛彊梁
充斥之輩願爲臣妾稽顙闕下者曰萬計尋而天下
一統實以爲惠當作慧下同可以伏不惠仁可以伏不仁
亦太平非常之明證事恐久遠風雅所缺再拜稽首

爲之篇

霹靂引豐隆鳴猛獸噫氣蛇吼聲鸚鵡鳥同資造化兮
殊粹精鸚鵡毛翡翠翼鵠鷓延頸鷓鷄弄色鸚鵡鳥同
稟陰陽兮異埏埴彼何爲兮隱隱振振此何爲兮綠衣
翠襟彼何爲兮窘窘蠢蠢此何爲兮好貌好音彷彿兮
佯佯似妖姬躡步兮動羅裳趨趨兮踟踟若處子回眸
兮登玉堂爰有獸也安其忍齧其脇距其胸與之放曠
浪浪兮從從容容鉤爪鋸牙也宵行晝伏無以當遇之
兮忘味搏擊騰躑也朝飛暮杲無以拒逢之兮屏氣由
是言之貪戩薄則智慧作貪戩臨之兮不復攬由是言

之智慧周則貪濫囚智慧犯之兮不復憂菲形陋質雖
賤微皇王顧遇長光輝離宮別館臨朝市妙舞繁弣雜
宮徵嘉喜堂前景福內合歡殿上明光裏雲母屏風文
彩合流蘇斗帳香煙起承恩宴盼接宴喜高視七頭金
駱駝平懷五尺銅師子國有君兮國有臣君爲主兮臣
爲賓朝有賢兮朝有德賢爲君兮德爲飾千年萬歲兮
心轉憶

太子少詹事內黃沈佺期字雲卿

霹靂引

歲七月火伏而金生客有鼓琴於門者奏霹靂之商聲

始夏羽以騏春終扣宮而砰駘電燿燿兮龍躍雷闐闐
兮雨冥氣鳴唵以會雅態歛翕以橫生有如驅千旗制
五兵截荒虺斲長鯨孰與廣陵比意別鶴儔精而已俾
我雄子魄動毅夫髮立懷恩不淺武義雙輯視胡若芥
翦羯如拾豈徒慷慨中筵備羣娛之翕習哉

著作郎貶饒州司戶參軍海鹽顧況字逋翁

烏嘯曲

玉房掣鎖聲翻葉銀箭添泉遶霜堞畢逋撥刺月衝城
八九鷓飛其母驚此是天上老鷓鳴人間老鷓無此聲
搖風雜佩耿華燭夜聽羽人彈此曲東方曈曈赤日旭

公子行

輕薄兒面如玉紫陌春風纏馬足雙鐙懸金鏤鶻飛長
衫刺雪生犀束綠槐夾道陰初成珊瑚幾節敲流星紅
肌拂拂酒光猶當街背拉金吾行朝游鼕鼕鼓聲發暮
游鼕鼕鼓聲絕入門不肯自升堂美人扶踏金階月

日晚歌送別

日昏昏兮下山望佳人兮不還花落兮屋上草生兮階
間日日兮春風芳菲兮欲滅老不可兮更少君何爲兮
輕別

悲歌

情思發動聖賢所不免也故師乙陳其宜延陵審其
音理亂之所經王化之所興信無逃於聲教豈徒文
彩之麗邪遂作歌以悲之

邊城路今人犁田昔人墓岸上沙昔日江水今人家今
人昔人共長歎四氣相催節回換明月皎皎入華池白
雲離離渡霄漢

我欲昇天天隔霄我欲渡水水無橋我欲上山山路險
我欲汲井井泉遙越人翠被今何夕獨立沙邊江草碧
紫燕西飛欲寄書白雲何處逢來客

新繫青絲百尺繩心在君家轆轤上我心皎潔君不知

輓轡一轉一惆悵

何處春風吹曉幕江南淥水通朱閣美人二八顏如花
泣向春風畏花落

臨春風聽春鳥別時多見時少愁人夜永不得眠瑤井
玉繩相對曉

軒轅黃帝初得仙鼎湖一太三千年周流三十六洞天
洞中日月星辰聯騎龍駕景游八極軒轅弓劍無人識
東海青童寄消息

春草謠

春草不解行隨人上東城正月二月色緜緜千里萬里

傷人情 習習風 暮春 轉轉 只覺 風如 大風 來轉 轉

范山人 畫山水 歌 聲 被 戰 蒼 曲 韻 曲 孤 飄 封 丘 發 空 入

山 崢 嶸 水 泓 澄 漫 漫 汗 汗 一 筆 耕 禾 艸 木 棲 神 明 忽

如 空 中 有 物 物 中 有 聲 復 如 遠 道 望 鄉 客 癯 遶 山 川 身

不 行 幾 心 太 奇 山 斷 絕 難 前 李 均 奉 謝 容 賈 良 木 蘇 蘇

李 供 奉 彈 箜 篌 歌 大 節 錄 時 時 繼 繼 以 驚 驚 水 土 表 殊

國 府 樂 手 當作樂 府國手 彈 箜 篌 赤 黃 條 索 金 鍔 頭 早 晨 有 勅

鴛 鴦 殿 夜 靜 遂 歌 明 月 樓 起 坐 可 憐 能 抱 撮 大 指 彈 弨

中 指 撥 挽 頭 花 落 舞 衣 裂 手 下 鳥 驚 飛 撥 刺 珊 瑚 席 一

聲 一 聲 鳴 錫 錫 羅 綺 屏 一 弨 一 弨 如 撼 鈴 急 彈 好 遲 亦

好宜遠聽宜近聽左手低右手舉易調移音天賜與大
弭似秋雁聯聯度隴關小弭似春燕喃喃向人語手頭
疾挽頭輓來來忒忒如風卷聲清泠泠鳴索索垂珠碎
玉空中落美女爭窺瑋瑋簾聖人卷上眞珠箔大弭長
小弭短小弭緊快大弭緩初調鏘鏘似鴛鴦水上弄新
聲入淡似太清仙鶴游祕館李供奉儀容質身材稍稍
七尺一在外不曾輒教人內裏聲聲不遣出指剝蔥挽
削玉饒鹽饒醬五味足弄調人間不識名彈盡天下崛
奇曲胡曲漢曲聲聲好彈著曲髓曲肝腦往往從空入
戶來瞥瞥隨風落春艸艸頭只覺風吹入風來艸卽隨

風立艸亦不知風到來風亦不知聲緩急熨玉燭點銀
鐙光照手實可憎只照筓篴聲上手不照筓篴聲裏能
馳鳳闕拜鸞殿天子一日一回見王侯將相立馬迎巧
聲一日一回變實可重不惜千金買一弄銀器胡瓶馬
上馱瑞錦輕羅滿車送此州好手非一國一國東西盡
南北除卻天上化下來若向人間實難得

劉禪奴彈琵琶歌

感相國韓公薨

樂府只傳橫吹好琵琶寫出關山道羈雁出塞繞黃雲
邊馬仰天嘶白草明妃怨中漢使回蔡琰愁處胡笳開
鬼神知妙欲收響陰風切切四面來李陵寄書別蘇武

自有佳人無此苦當時若值霍嫖姚滅盡烏孫奪公主
李湖州孺人彈箏歌

武帝升天畱恣曲淒情掩抑弭柱促上陽宮人怨綠苔
此夜想夫憐碧玉思婦高樓刺壁窺愁猿叫月鸚呼兒
寸心十指有長短妙入神處無人知獨把梁州凡幾拍
風沙對面胡秦隔聽中忘卻前溪碧醉後猶疑邊艸白
桂州刺史參佐任華

寄李白

古來文章有能奔逸氣聳高格清人心神驚人魂魄我
聞當今有李白大獵賦鴻猷文嗤長卿笑子雲斑張所

作瑣細不入耳未知卿雲得在嗤笑限登廬山觀瀑布
海風吹不斷江月照還空余愛此兩句登天台望渤海
雲垂大鵬飛山壓巨鼇背斯言亦好在至於他作多不
拘常律振擺超騰旣俊且逸或醉中操帟或興來走筆
手下忽然片雲飛眼前劃見孤峯出而我有時白日忽
欲睡睡覺忽然起攘臂任生知有君君也知有任生未
中間聞道在長安及余戾止君已江東訪元丹邂逅不
得見君面每常把酒向東望良久見說往年在翰林胸
中矛戟何森森新詩傳在宮人口佳句不離明主心身
騎天馬多意氣日送飛鴻對豪貴承恩召入凡幾回待

詔歸來仍半醉權臣妒盛名羣犬多吠聲有勅放君卻
歸隱淪處高歌大笑出門次且向東山爲外臣諸侯交
遊馳朱輪白璧一雙買交者黃金百鎰相知人平生傲
岸其志不可測數十年爲客游未嘗一日低顏色八詠
樓中坦腹眠五侯門下無心憶繁花越臺上細柳吳宮
側綠水青山知有君白雲明月偏相識養高兼養閒可
望不可攀莊周萬物外范蠡五湖間人傳訪道滄海上
丁令王喬每往還蓬萊徑是曾到來方丈豈唯方丈丈
伊余每欲乘興往相尋江湖擁隔勞寸心今朝忽遇東
飛翼寄此一章表胸臆儻能報我一片言但訪任華有

人識

處士徵諫議范陽盧仝號玉川子

月食詩

新天子卽位五年歲次庚寅斗柄插子律調黃鐘森森
萬木夜僵立寒氣鬣肩頑無風爛銀盤從海底出出來
照我草屋東天色紺滑凝不流冰光交貫寒腫隴初疑
白蓮花浮出龍王宮八月十五夜比竝不可雙此時怪
事發有物吞食來輪中輪如壯士斧斫壞桂似雪山風
拉摧百鍊鏡照見膽平地埋寒灰火龍珠飛出腦卻入
蚌蛤胎椎環破壁眼看盡當天一搭如煤炲磨蹤滅迹

須臾間便似萬古不可開不料至神物有此大狼狽星
如撒沙出爭頭事光大奴婢炷暗燈揜莢如璫瑄今夜
吐燄長如虹孔隙千道射戶外玉川子涕泗下中庭獨
自行念此日月者太陰太陽精皇天要識物日月乃化
生走天汲汲勞四體與天作眼行光明此眼不自保天
公行道何由行吾見陰陽家有說望日蝕月月光滅朔
月掩日日光缺兩眼不相攻此說吾不容又孔子師老
子云五色令人目盲吾恐天似人好色卽喪明幸且非
春時萬物不嬌榮青山破瓦色綠水冰崢嶸花枯無女
豔鳥舛沈歌聲頑冬何所好偏使一目盲傳聞古老說

蝕月蝦蟆精徑圓千里入汝腹汝此癡骸阿誰生可從
海窟來便解緣青冥恐是睚睫間揜塞所化成黃帝有
巨目帝舜重瞳明二帝懸四目四海生光輝吾不遇二
帝滉漭不可知何故瞳子上坐受蟲豸欺長嗟白兔搗
靈藥恰似有意防姦非藥成滿臼不中度委任白兔夫
何爲憶昔堯爲天十日燒九州金爍水銀流玉燭丹沙
焦六合烘爲窯堯心增百憂帝見堯心憂勃然發怒決
洪流立擬沃殺九日妖天高日走沃不及但見萬國赤
子戢戢生魚頭此時九御導九日爭持節幡麾幢旒駕
車六九五十四頭蛟螭虬掣電九火輶汝若蝕開齧齧

輪銜轡執索相爬鉤推蕩轟訶入汝喉紅鱗燄鳥燒口
快翎鬣倒側聲醜鄒撐腸拄肚礪魄如山北自可飽歔
更不偷不獨填飢坑亦解堯心憂恨汝時當食藏頭撇
腦不肯食不當食張脣哆觜食不休食天之眼養逆命
安得上帝請汝劉嗚呼人養虎被虎齧天媚墓被墓瞎
乃知恩非類一一自作孽吾見患眼人必索良工訣想
天不異人愛眼固應一安得常娥氏來習扁鵲術手操
春喉戈忒此晴上物其初猶朦朧既久如抹漆但恐功
業成便此不吐出玉川子又涕泗下心禱再拜額躡沙
土中地上蟣蝨臣全告愬帝天皇臣心有鐵一寸可剗

妖蠹癡腸上天不爲臣立梯磴臣血肉身無由飛上天
揚天光封詞付與小心風飈排闥闖入紫宮密邇玉几
前擘坼奏上臣仝頑愚胸敢舛橫干天代天謀其長東
方蒼龍角插戟尾捩風當心開明堂統領三百六十鱗
蟲坐理東方宮月蝕不救援安用東方龍南方火鳥赤
潑血項長尾短飛跋躩頭戴弁冠高達栴月蝕鳥宮十
三度鳥爲居停主人不覺察貪向何人家行赤口毒舌
毒蟲頭上喫卻月不啄殺虛眨鬼眼明突窺鳥罪不可
雪西方攫虎立踣踣斧爲牙鑿爲齒偷犧牲食封豕大
墓一鬱固當輓美見似不見是何道理爪牙根天不念

天天若準擬錯準擬北方寒龜被蛇縛藏頭入殼如入
獄蛇筋束緊束破殼寒龜夏鼈一種味且當臙其肉一

底版沒信處唯堪支牀腳不中鑽灼與天下一無下字卜歲

星主福德官爵奉董秦忍使黔婁生覆尸無衣巾天失
眼不弔歲星胡其仁熒惑矍鑠翁執法大不中月明無
罪過不糾蝕月蟲年年十月朝太微支盧謫罰何災凶
土星與土性相背反養福德生禍害到人頭上夙破敗
今夜月蝕安可會太白真將軍怒激鋒鋌生恆州陣斬
酈定進項骨脍甚春蔓菁天唯兩眼失一眼將軍何處
行天兵辰星任廷尉天律自主持人命在盆底固應樂

見天盲時天若不肯信試喚皋陶鬼一問一如今日三
台文昌宮作上天紀綱環天二十八宿磊磊尙書郎整
頓排班行劍握他人將一四太陽側一四天市傍操斧
代大匠兩手不怕傷弧矢引滿反射人天狼呀啄明煌
煌癡牛與駮女不肯勤農桑徒勞含淫思旦夕遙相望
蚩尤簸旗弄旬始搥天鼓鳴璫琅枉矢能蛇行眊目森
森張天狗下舐地血流何滂滂譎險萬萬黨架構何可
當眯目釁成就害我光明王請畱北斗一星相北極指
麾萬國懸中央此外盡掃除沙積如山岡贖我父母光
當時恆星沒碩雨如迸漿似天會事發叱喝誅奸強何

故中道廢自遺今日殃善善又惡惡郭公所以亡願天
神聖心無信他人忠玉川子詞訖風色緊格格近月黑
暗邊有似動劍戟須臾癡墓精兩吻白決坼初露半箇
壁漸吐滿輪魄眾星盡原赦一墓獨誅磔腹肚忽脫落
依舊挂穹碧光彩未蘇來慘澹一片白奈何萬里光受
此吞吐戾再得見天眼感荷天地力或問玉川子孔子
修春秋二百四十年月蝕盡不收今子咄咄詞頗合孔
意不玉川子笑荅或請聽逗畱孔子父母魯諱魯不諱
周書外書大惡故月蝕不見收子命唐天口食唐土唐
禮過三唐樂過五小猶不說大不可數災沴無有大小

瘵安得引衰周研覈其可否日分晝月分夜辨寒暑一
主荆一主德政乃舉孰謂人面上一目偏可忝願天完
兩日照下萬方土更不瞽萬萬古

觀放魚歌

常州賢刺史從諫議大夫除天地好生物刺史性與天
地俱見山客狎魚鳥坐山客北亭湖命舟人駕舫子漾
漾菰蒲酒興引行處正見漁人漁刺史密會山客意復
念網羅嬰無辜忽脫身上殷緋袍盡買罟獲盡有無鰻
鱸鮎鱧鰕涎惡最頑愚鱗魴見幽風質榦稍高流時白
噴雪鯽鯉鯢舊作鯢無此字此輩肥脆爲絕尤老鯉變化頗神

異三十六鱗如抹朱水苞宏窟有蛟鼉餌非龍餌唯無
鱸叢雜百千頭性命懸須臾天心應刺史刺史盡活諸
一一投溪泉跳脫不復拘得水競騰突動作詭怪殊或
透藻而出或破浪而趨或掉尾子子或奮鬣愉愉或如
鶯擲梭或如蛇銜珠四散漸不見島嶼徒縈紆鸚鵡鴿
鷗鳧喜觀爭叫呼小蝦亦相慶繞岸搖其鬣乃知貪生
不獨頑癡夫可憐百千命幾爲腸中菹若養聖賢眞大
烹龍髓敢惜乎苦痛如今人盡是魚食魚族類恣飲噉
強力無親疏明明刺史心不欲與物相欺誣岸蟲兩與
命無異舊作意殺此活彼用賊徒亦憶清江使橫遭乎余

且聖神七十鑽不及泥中鱗哀哉託非賢五藏生冤讐
若當刺史時聖物保不囚不疑且不卜二子安能諛二
子儻故諛吾知必受誅禮重一艸木易卦稱中孚又曰
鈞不綱又曰遠庖廚古仁人用心刺史盡合符昔魯公
觀棠距箴遂被孔子貶而書今刺史好生德洽民心誰
爲刺史一褒譽刺史自上來德風如艸鋪衣冠興廢禮
百姓減暴租豪猾不豪猾鰥孤不鰥孤開古孟瀆三十
里四千頃泥坑爲膏腴刺史視之總若無訟庭雀噪坐
不得湖上拔茭植芙蕖勝業莊中二桑門時時對坐談
眞如因說十千天子事福力當與刺史俱天雨曼陀羅

花淡沒剝四十千真珠瓔珞堆高樓此中怪特不可會
但慕刺史仁有餘刺史敕左右兼小家生奴慎勿背我
沈毒鉤念魚承奉刺史仁淡僻處遠遠游刺史官職小
教化未能敷第一莫近人惡人唯口諛第一莫出境四
境多網罟重傷刺史心喪爾微賤軀

走筆謝孟諫議寄新茶

日高丈五睡正濃軍將打門驚周公口云諫議送書信
白絹斜封三道印開緘宛見諫議面手閱月團三百片
聞道新年入山裏蟄蟲驚動春風起天子未嘗陽羨茶
百艸不敢先開花仁風暗結珠琲璫先春抽出黃金芽

摘鮮焙芳旋封裹至精至好且不奢至尊之餘合王公
何事便到山人家柴門反關無俗客紗帽籠頭白煎喫
碧雲引風吹不斷白花浮光凝盃面一盃喉吻潤兩盃
破孤悶三盃搜枯腸唯有文字五千卷四盃發輕汗平
生不平事盡向毛孔散五盃肌骨清六盃通仙靈七盃
喫不得唯覺兩腋習習清風生蓬萊山在何處玉川子
乘此清風欲歸忒山上羣仙司下土地位清高隔風雨
安知百萬億蒼生墮在顛崖受辛苦便爲諫議問蒼
生到頭還得蘇息否

與馬異結交詩

天地日月如等閒盧仝四十無往還唯有一片心脾骨
巉巖萃肆兀鬱律刀劍爲鋒鏑平地放著高如崑崙山
天不容地不受日月不敢偷照曜神農畫八卦鑿破天
心胸女媧本是伏羲婦恐天怒擣鍊五色石引日月之
針五星之縷把天補補了三日不肯歸壻家走向日中
放老鴉月裏栽桂養蝦蟆天公發怒化龍蛇此龍此蛇
得死病神農合藥救死命天怪神農黨龍蛇罰神農爲
牛頭令載元氣車不知藥中有毒藥藥殺元氣天不覺
爾來天地不神聖日月之光無定正不知元氣元不死
忽聞空中喚馬異馬異若不是祥瑞空中敢道不容易

昨日全不全異自異是謂大全而小異今日全自全異
不異是謂全不往兮異不至直當中兮動天地白玉璞
裏斲出相思心黃金鑛裏鑄出相思淚忽聞空中崩崖
倒谷聲絕勝明珠千萬斛買得西施南威一雙婢此婢
嬌饒惱殺人凝脂爲膚翡翠裙唯解畫眉朱點脣自從
獲得君敲金搃玉陵浮雲卻返顧一雙婢子何足云平
生結交苦少人憶君眼前如見君青雲欲開白口沒天
眼不見此奇骨此骨縱橫奇又奇千歲萬歲枯松枝半
折半殘壓山谷盤根蹙節成蛟螭忽雷霹靂卒風暴雨
撼不動欲動不動千變萬化總是鱗皴皮此奇怪物不

可欺盧仝見馬異文章酌得馬異胸中事風姿骨本恰
如此是不是寄一字

有所思

當時我醉美人家美人顏色嬌如花今日美人棄我去
青樓珠箔天之涯天涯娟娟姮娥月三五二八盈又缺
翠眉蟬鬢生別離一望不見心斷絕心斷絕幾千里
中醉臥巫山雲覺來淚滴湘江水湘江兩岸花木淡
美人不見愁人心含愁更奏綠綺琴調高弭絕無知音
美人兮美人不知爲暮雨兮爲朝雲相思一夜梅花發
忽到窗前疑是君

秋牖行

客行一夜秋風起客牖南游渡湘水湘水泠泠徹底清
二妃怨處無限情娥皇不語啟嬌靨女英日成轉心慙
長眉入鬢何連娟肌膚白玉秀且鮮裴回共詠東方日
沈吟再理南風弭聲斷續思絲絲中含幽意兩不宣殷
勤纖手驚破牖中宵寂寞心淒然心淒然腸亦絕寐不
寐兮玉枕寒夜淡夜兮霜似雪鏡中不見雙翠眉臺前
空挂纖纖月纖纖月盈復缺娟娟似眉意難訣願此眉
兮如此月千里萬里光不滅

冬行

蟲豸臘月皆在蟄吾獨何乃勞其形小大無由知天命
但怪守道不得甯老母妻子一揮手涕下便作千里行
自顧不及遭霜葉旦夕保得同飄零達生何足云偶然
苦樂經其身古來堯孔與桀跖善惡何補如今人

憶金鷺山沈山人

師魯

君家山頭松樹風適來入我竹林裏一片新茶破鼻香
請君速來助我喜莫合九轉大還丹莫讀三十六部大
洞經間來共我說真意齒下領取真長生不須服藥求
神仙神仙意智或偶然自古聖賢放入土淮南雞犬驅
上天白日上升應不惡藥成且輒一丸藥暫時上天少

問天蛇頭蝎尾誰安著

直鉤吟

幼歲學釣魚自謂魚易得三十持釣竿一魚釣不得人
鉤曲我鉤直哀哉我鉤又無食文王已沒不復生直鉤
之道何時行

劉叉

冰柱

師干久不息農爲兵兮民重嗟騷然縣宇土崩水潰畹
中無熟麥隴上無桑麻王春判序百卉茁甲含葩有客
避兵奔游僻跋履險阨至三巴貂裘蒙茸已敝縷鬢髮

蓬肥雀驚鼠伏甯遑安處獨臥旅舍無好寢更堪走風
沙天人一夜翦瑛瑤詰旦都成六出花南畝未盈尺纖
片亂舞空紛挐旋落旋逐朝暎化檐間冰柱若削出交
加或低或昂小大瑩潔隨勢無等差始疑玉龍下界來
人世齊向茅檐布爪牙又疑漢高帝西方未斬蛇人不
識誰爲當風杖莫邪鏗鏗冰有韻的皜玉無瑕不爲四
時雨徒於道路成泥相不爲九江浪徒爲汨沒天之涯
不爲雙井水滿甌泛泛烹春茶不爲中山漿清新馥鼻
盈百車不爲池與沼養魚種芰成淫淫不爲醴泉與甘
露使名異瑞世俗誇特稟朝一作澈氣潔然自許靡間

其邇遐森然氣結一千里滴瀝聲沈十萬家明也雖小
暗之大不可遮忽被曲瓦直下不能抑羣邪奈何時逼
不得時在我目中倏然漂去無餘些自是成毀任天理
天於此物豈宜有忒賒反令井蛙壁蟲變容易背人縮
首競呀呀我願天子回造化藏之韞櫝玩之生光華

雪車

臘令凝締三十日續紛密雪一復一孰云潤澤在枯芟
闐闐餓民凍欲舂舂中猶被豺狼食官軍初還城壘未
完備人家千里無煙爨雞犬何太怨疑有天不卹吾眚
如何連夜瑤花亂皎潔既同君子節霑濡多著小人面

寒鎖侯門見客稀
色迷塞路行商斷
小小細細如塵間
輕輕緩緩成樸斂
官家不知民餒寒
盡驅牛車盈道載
屑玉載載欲何之
祕藏淡宮以禦炎
酷徒能自衛九重
間豈信車轍血點
點盡是農夫哭
刀兵殘喪後滿野
誰爲載白骨遠戍
久乏糧太倉誰爲
運紅粟戎夫尙逆
命扁箱鹿角誰爲
敵士夫困征討買
花載酒誰爲適天
子端然少旁求股
肱耳目皆姦慝
依違用事佞上方
猶驅饑民運造化
防暑阨吾聞躬耕
南畝舜之聖爲民
吞蝗唐之德未聞
墟孽苦蒼生相羣
相黨上下爲蝨賊
廟堂食祿不自慚
我爲斯民歎息還
歎息

吏部侍郎贈禮部尚書謚文南陽韓愈字退之

嗟哉董生行

淮水出桐柏山東馳遙遙千里不能休
淝水出其側不能千里百里入淮流
壽州屬縣有安豐唐貞元時縣人
董生召南隱居行義於其中刺史不能薦
天子不聞名聲爵祿不及門門外惟有
吏日來徵租更索錢嗟哉董生朝出耕
夜歸讀古人書盡日不得息或山于樵
或水于漁入廚具甘旨上堂問起居
父母不戚戚妻子不咨咨嗟哉董生
孝且慈人不識惟有天翁知生祥下
瑞無時期家有狗乳出求食雞來哺
其兒啄啄庭中拾蟲蟻

哺之不食鳴聲悲旁皇躑躅久不忒以翼來覆待狗歸
嗟哉董生誰將與儔時之人夫妻相虐兄弟爲讐食君
之祿而令父母愁亦獨何心嗟哉董生無與儔

汴州亂

汴州城門朝不開天狗墮地聲如雷健兒爭誇殺畱後
連屋累棟燒成灰諸侯咫尺不能救孤士何者自興哀
母從子走者爲誰大夫夫人畱後兒昨日乘車騎大馬
坐者起趨乘者下廟堂不肯用干戈嗚呼奈汝母子何

利劍

利劍光耿耿佩之使我無邪心故人念我寡徒侶持用

贈我比知音我心如冰劍如雪不能刺讒夫使我心腐
劍鋒折決雲中斷開青天噫劍與我俱變化歸黃泉
雉帶箭

原頭火燒靜兀兀野雉畏鷹出復沒將軍欲以巧伏人
盤馬彎弓惜不發地形漸窄觀者多雉驚弓滿勁箭加
衝人決起百餘尺紅翎白鏃相傾斜將軍仰笑軍吏賀
五色離披馬前墮

東方半明

東方半明大星沒獨有太白配殘月嗟爾殘月勿相疑
同光共影須臾期殘月輝輝太白睽睽雞三號更五點

感春

我所思兮在何所情多地遐兮徧處處東西南北皆欲
往千江隔兮萬山阻春風吹園雜花開朝日照屋百鳥
語三杯取醉不復論一生長恨奈何許

我恨不如江頭人長綑橫江遮紫鱗獨宿荒陂射鳧雁
賣租納賦官不嗔歸來歡笑對妻子衣食自給甯羞貧
今者無端讀書史智慧祇足勞精神畫蛇著足無處用
兩鬢霜白趨埃塵乾愁漫解坐自累與眾異趣誰相親
數杯澆腸雖暫醉皎皎萬慮醒還新百年未滿不得分
且可勤買拋青春

寒食日出游

李花初發君始病我往看君花轉盛走馬城西惆悵歸
不忍千株雪相映邇來又見桃與梨交開紅白如爭競
可憐物色阻攜手空展霜縑吟九詠紛紛落盡泥與塵
不共新妝比端正桐華最晚今已繁君不强起時難更
關山遠別固其理寸步難見始知命憶昔與君同貶官
夜渡洞庭看斗柄豈料生還得一處引袖拭淚悲且慶
各言生歿兩追隨直置心親無貌敬念君又署南荒吏
路指鬼門幽且負三公盡是知音人曷不薦賢陛下聖
囊空甌倒誰救之我今一食日還併自然憂氣損天和

安得康彊保天性斷鶴兩翅鳴何哀繫驥四足氣空橫
今朝寒食行野外綠楊市岸蒲芽迸宋玉庭邊不見人
輕浪參差魚動鏡自嗟孤賤足瑕疵特見放縱苟寬政
飲酒甯嫌餒底淡題詩尙倚筆鋒勁明宵故欲相就醉
有月莫愁當火令

陸渾山火和皇甫湜用其韻

皇甫補官古賁渾時當元冬澤乾源山狂谷很相吐吞
風怒不休何軒軒擺磨出火以自燔有聲中夜驚莫原
天跳地踔顛乾坤赫赫上照窮崖垠截然高周燒四垣
神焦鬼爛無逃門三光弛墮不復瞰虎熊麋豬逮猴猿

水龍鼉龜魚與黿鴟雕鷹雉鵠鷓鴣魚煨燻孰飛奔
祝融告休酌卑尊錯陳齊玫闢華園芙蓉披昌塞鮮繁
千鐘萬鼓咽耳喧攢雜啾嘆沸篴塤彤幢絳旃紫纛旛
炎官熱屬朱冠禪髻其肉皮通脞臀頰胸垤腹車掀轆
緹顏靺股豹兩韃霞車虹勒日轂輻丹韃縵蓋緋繡帑
紅帷赤幘羅脈播盍池波風肉陵屯谿呀鉅壑頗黎盆
豆登五嶽瀛四尊熙熙醕醑笑語言雷公擘山海水翻
齒牙嚼齧舌腭反電光礮礮頰目暖頊冥收威避元根
斥棄輿馬背厥孫縮身潛喘拳肩跟君臣相憐加愛恩
命黑螭偵焚其元天闕悠悠不可援瘳通上帝血面論

側身欲進叱於闔帝賜九河湍涕痕又詔巫陽反其魂
徐命之前問何冤火行於冬古所存我如禁之絕其殮
女丁婦壬傳世昏一朝結讐奈後昆時行當反慎藏蹲
視桃著花可小騫月及申酉利復怨助汝五龍從九鯤
溺厥邑囚之昆侖皇甫作詩止睡昏詞誇出真遂上焚
要余和增怪又煩雖欲悔舌不可捫

寄盧仝

玉川先生洛城裏破屋數間而已矣一奴長鬚不裹頭
一婢赤腳老無齒辛勤奉養十餘人上有慈親下妻子
先生結髮憎俗徒閉門不出動一紀至今鄰僧乞米送

僕忝縣尹能不恥俸錢供給公私餘時致薄少助祭祀
勸參畱守謁大尹言語纔及輒掩耳水北山人得名聲
公年公作幕下士水南山人又繼往鞦馬僕從塞閭里
少室山人索價高兩以諫官徵不起彼皆刺口論世事
有力未免遭驅使先生事業不可量惟用法律自繩已
春秋三傳束高閣獨抱遺經究終始往年弄筆嘲同異
怪詞驚眾謗不已近來自說尋坦途猶上虛空跨驂耳
公年生兒名添丁意令與國充耘耔國家丁口連四海
豈無農夫親耒耜先生抱才終大用宰相未許終不仕
假如不在陳力列立言垂範亦足恃苗裔當蒙十世宥

豈謂貽厥無基陟故知忠孝生天性絜身亂倫安足擬
昨晚長鬢來下狀隔牆惡少惡難似每騎屋上下窺闕
渾舍驚怕走折趾憑依婚媾欺官吏不信令行能禁止
先生受屈未曾語忽來此告良有以嗟我身爲赤縣令
操權不用欲何俟立召賊曹呼伍伯盡取鼠輩尸諸市
先生又遣長鬢來如此處置非所喜況又時當長養節
都邑未可猛政理先生固是余所畏度量不敢窺涯涘
放縱是誰之過歟效尤戮僕愧前史買羊沽酒謝不敏
偶逢明月曜桃李先生有意許降臨更遣長鬢致雙鯉
盧郎中雲夫寄示送盤谷子詩兩章歌以和之

昔尋李愿向盤谷正見高崖巨壁爭開張是時新晴天
井溢誰把長劍倚太行衝風吹波落天外飛雨白日灑
洛陽東蹈燕川食曠野有饋木蕨芽滿筐馬頭溪淡不
可厲借車載過水入箱平沙綠浪榜方口雁鴨飛起穿
垂楊窮揆極覽頗恣橫物外日月本不忙歸來辛苦欲
誰爲坐令再往之計墮眇茫閉門長安三日雪推書撲
筆歌慨慷旁無壯士遣屬和遠憶盧老詩顛狂開緘忽
覩送歸作字向紙上皆軒昂又知李侯竟不顧方冬獨
入崔嵬藏我今進退幾時決十年蠢蠢隨朝行家請官
供不報答何異雀鼠偷太倉行抽手版付丞相不待彈

劫還耕桑

記寤

夜寤神官與我言羅縷道妙角與根挈攜陬維口瀾翻
百二十刻須臾間我聽其言未云足捨我先度橫山腹
我徒三人共追之一人前度安不危我亦平行踏魃魃
神完骨躄腳不掉側身上視溪谷盲杖撞玉版聲彭觥
神官見我開顏笑前對一人壯非少石壇陂陀可坐臥
我手承頰肘拄座隆樓傑閣磊嵬高天風飄飄吹我過
壯非少者哦七言六字常語一字難我以指撮白玉丹
行且咀嚙行詰盤口前截斷第二句綽虐顧我顏不歡

乃知仙人未賢聖，護短憑愚邀我敬。我能屈曲自世間，
安能從汝巢神山。

協律郎王孫李賀字長吉

李憑箏篋引

吳絲蜀桐張高秋，空白凝雲頽不流。江城嗷竹素女愁，
李憑中國彈箏篋。崑山玉碎鳳皇叫，芙蓉泣露香蘭笑。
十二門前融冷光，二十三絲動紫皇。女媧鍊石補天處，
石破天驚逗秋雨。夢入坤山教神嫗，老魚跳波瘦蛟舞。
吳質不眠倚桂樹，露腳斜飛溼寒兔。

雁門太守行

黑雲壓城城欲摧
甲光向日金鱗開
角聲滿天秋色裏
塞上燕脂凝夜紫
半卷紅旗臨易水
霜重鼓寒聲不起
報君黃金臺上意
提攜玉龍爲君死

寢天

老兔寒蟾泣天色
雲樓半開壁斜白
玉輪軋露濕團光
鸞佩相逢桂香陌
黃塵清水三山下
更變千年如走馬
遙望齊州九點煙
一泓海水杯中瀉

浩歌

南風吹山作平地
帝遣天吳移海水
王母桃花千遍紅
彭祖巫咸幾回死
青毛驄馬參差錢
嬌春楊柳含細煙

箏人勸我金屈卮神血未凝身問誰不須浪飲丁都護
世上英雄本無主買絲繡作平原君有酒惟澆趙州土
漏催水咽玉蟾蜍衛娘髮薄不勝梳看見秋眉換新絲
二十男兒那刺促

秦王飲酒

秦王騎虎游八極劍光照空天自碧羲和敲日玻璃聲
劫灰飛盡古今平龍頭瀉酒邀酒星金槽琵琶夜枳枳
洞庭雨腳來吹笙酒酣喝月使倒行銀雲櫛櫛瑤殿明
宮門掌事報三更花樓玉鳳聲嬌備海綃紅文香淺清
黃鶯跳舞千年觥仙人燭樹蠟煙輕清琴醉眼淚泓泓

金銅仙人辭漢歌

魏明帝青龍元年八月詔宮官牽車西取漢孝武奉
露盤仙人欲立置前殿宮官既坼盤仙人臨載乃潛
然淚下唐諸王孫李長吉遂作金銅仙人辭漢歌

茂陵劉郎秋風客夜聞馬嘶曉無迹畫闌桂樹懸秋香
三十六宮土花碧魏官牽車指千里東關酸風射眸子
空將漢月出宮門憶君清淚如鉛水衰蘭送客咸陽道
天若有情天亦老攜盤獨出月荒涼渭城已遠波聲小
勉愛行送小季之廬山

別桺當馬頭官槐如兔目欲將千里別持我易斗粟南

雲北雲空脈斷靈臺經絡縣春綫青軒樹轉月滿牀下
國飢兒瘠中見維爾之昆二十餘年來持鏡頗有鬢辭
家三載今如此索米王門一事無荒溝古水光如刀庭
南拱柳生鱗鱗江干幼客眞可念郊原晚吹悲號號
致酒行

零落棲遲一杯酒主人奉觴客長壽主父西游困不歸
家人折斷門前柳吾聞馬周昔作新豐客天荒地老無
人識空將牋上兩行書直犯龍顏請恩澤我有迷魂招
不得雄雞一聲天下白少年心事當拏雲誰念幽寒坐
鳴呃

公莫舞歌

公莫舞歌者詠項伯翼蔽劉沛公也會中壯士灼灼
人于人故無復書且南北樂府率有歌引賀陋諸家今

重作公莫舞歌云

方花古礎排九楹刺豹淋血盛銀鬢華筵鼓吹無桐竹
長刀直立割鳴箏橫楣麤錦生紅緯日炙錦媽王未醉
腰下三看寶玦光頂莊掉箭欄前起材官小臣公莫舞
坐上真人赤龍子芒碭雲瑞抱天回咸陽王氣清如水
鐵樞鐵槌重束關大旗五丈撞雙環漢王今日須秦印
絕臏剗腸臣不論

秦宮詩

漢人秦宮將軍梁冀之嬖奴也秦宮得寵內舍故以
驕名大譟於人予撫舊而作長詞以馮子都之事相
爲對望又云昔有之詩

越羅衫袂迎春風玉刻麒麟腰帶紅樓頭曲宴仙人語
帳底吹笙香霧濃人間酒煖春茫茫花枝入簾白日長
飛窗複道傳籌飲十夜銅盤膩燭黃禿衿小衷調鸚鵡
紫繡麻報踏哮虎斫桂燒金待曉筵白鹿青蘇夜半煮
桐英永巷騎新馬內屋淡屏生色畫開門爛用水衡錢
卷起黃河向身瀉皇天戾運猶曾裂秦宮一生花底活

鸞篋奪得不還人醉睡氍毹滿堂月

艾如張

錦襜褕繡襦襦強飲啄哺爾鷓隴東臥穉滿風雨莫信
籠媒隴西太齊人織网如素空張在野田平碧中网絲
漠漠無形影誤爾觸之傷首紅艾葉綠花誰剪刻中藏
禍機不可測

苦篁調嘯引

請說軒轅在時事伶倫采竹二十四伶倫采之自崑北
軒轅詔遣中分作十二伶倫以之正音律軒轅以之調
元氣當時黃帝上天時二十三管咸和隨唯畱一管人

間吹無德不能得此管此管沈埋虞舜祠

夜坐吟

踏踏馬蹏誰見過眼看北斗直天河西風羅幕生翠波
鉛華笑妾顰青蛾爲君起唱長相思簾外嚴霜皆倒飛
明星爛爛東方垂紅霞稍出東南涯陸郎公矣乘斑騅
榮華樂

鳶肩公子二十餘齒編貝脣激朱氣如虹蜺飲如建瓴
走馬夜歸叫嚴更徑穿複道游椒房龍裘金玦雜花光
玉堂調笑金樓子臺下戲學邯鄲倡口吟舌語稱女郎
錦裯繡面漢帝旁得明珠十斛白璧一雙新詔垂金曳

紫光煌煌馬如飛人如水九卿六官皆望履將迴日月
先反掌欲作江河唯畫地峩峩虎冠上切雲竦劍晨趨
陵紫氛繡段千尋貽阜隸黃金百鎰貺家臣十二門前
張大宅晴春煙起連天碧金鋪綴日雜紅光銅龍鬣環
似爭力瑤姬凝醉臥芳席海素籠窗空不隔丹穴取鳳
充行庖饗饗如拳那足食金蟾呀呀蘭燭香軍裝武妓
聲琅璫誰知花雨夜來過但見池臺春艸長嘈嘈弣吹
而天開洪崖簫聲遶天來天長一矢貫雙虎雲弣絕騁
皓旱雷亂袖交竿管兒舞吳音綠鳥學言語能教刻石
平紫金解送刻毛寄新兔三皇后七貴人五十校尉二

將軍當時飛去逐彩雲化作今日京華春

梁臺古愁

梁王臺沼空中立天河之水夜飛入臺前鬪玉作蛟龍

綠粉埽天愁露溼撞鐘飲酒行射天金虎蹙裘噴血斑

朝朝暮暮愁海翻長繩繫日樂當年芙蓉凝紅得秋色

蘭臉別春嗁脈脈蘆洲客雁報春來寥落野篁秋漫白

神弭別曲

巫山小女隔雲別春風松花山上發綠葢獨穿香徑歸

白馬花竿前子子蜀江風澹水如羅墮蘭誰泛相經過

南山桂樹爲君歔雲衫淺污紅脂花

高軒過

華裾織翠青如蔥金環壓轡搖玲瓏馬蹏隱耳聲隆隆
入門下馬氣如虹東京才子文章公二十八宿羅心胸
元精耿耿貫當中殿前作賦聲摩空筆補造化天無功
龐眉書客感秋蓬誰知从艸生華風我今垂翅附冥鴻
他日不羞蛇作龍

將進酒

琉璃鐘虎魄濃小槽酒滴眞珠紅烹龍炮鳳玉脂泣羅
屏繡幙圍香風吹龍笛擊鼉鼓皓齒歌細腰舞況是青
春日將暮桃花亂落如紅雨勸君終日酩酊醉酒不到

劉伶墳上土

美人梳頭歌

西施曉夢綃帳寒香鬟墮髻半沈檀鹿盧呶啞轉鳴玉
驚起芙蓉睡新足雙鸞開鏡秋水光解鬟臨鏡立象牀
一編香絲雲撒地玉釵落處無聲膩纖手卻盤老鴉色
翠滑寶簪簪不得春風瀾漫惱嬌慵十八鬟多無氣力
妝成髮鬢欹不斜雲裾數步踏雁沙背人不語向何處
下階自折櫻桃花

神仙曲

碧峯海面藏靈書上帝揀作神仙居清明笑語聞空虛

卷十
三
哥行
鬥乘巨浪騎鯨魚春羅書字邀王母共燕紅樓最淡處
鶴羽衝風過海遲不如卻使青龍公猶疑王母不相許
垂露娃鬢更傳語

江樓曲

樓前流水江陵道鯉魚風起芙蓉老曉釵擁鬢語南風
抽帆歸來一日功鼉吟浦口飛梅雨竿頭酒旗換青苧
蕭騷浪白雲參差黃粉油衫寄郎主新槽酒聲苦無力
南湖一頃菱花白眼前便有千里愁小玉開屏見山色
神弣曲

西山日沒東山昏旋風吹馬馬踏雲畫弣素管聲淺繁

花鬅絳繚步秋塵桂葉刷風墜桂子青狸哭血寒狐舛
古壁彩蚪金帖尾雨工騎入秋潭水百年老鴉成木魅
笑聲碧火巢中起

江南弄

江中綠霧起涼波天上曼巘紅嵯峨水風浦雲生老竹
渚暝蒲帆如一幅鱸魚千頭酒百斛酒中倒臥南山綠
吳歛越吟未終曲江上團團帖寒玉

唐兒歌

杜邠公之子

頭玉礲礲眉刷翠杜郎生得真男子骨重神寒天廟器
一雙瞳人翦秋水竹馬捎捎搖綠尾銀鸞睽光踏半臂

東家嬌娘求對值濃笑畫空作唐字眼大心雄知所以
莫忘作歌人姓李

蘇小小歌

幽蘭露如噉眼無物結同心煙花不堪翦艸如茵松如
蓋風爲裳水爲佩油壁車夕相待冷翠燭勞光彩西陵
下風吹雨

休洗紅

休洗紅洗多紅色淺卿卿騁少年昨日殷橋見封侯早
歸來莫作弣上箭

後園鑿井歌

井上轆轤牀上轉水聲繁
弜聲淺情若何苟奉倩城頭
日長向城頭住一日作千年
不須流下去

綠章封事

青貌扣額呼宮神鴻龍玉狗開天門
石榴花發滿溪津
溪女洗花染白雲綠章封事咨元父
六街馬蹶浩無主
虛空風氣不清冷短衣小冠作塵土
金家香術千輪鳴
楊雄秋室無俗聲願攜漢戟招書鬼
休令恨骨填蒿里
福州團練觀察使晉陽唐扶字雲翔

使南海道長沙題道林岳麓寺

道林岳麓仲與昆卓犖請從先後論
松根踏雲二千步

始見大屋開三門泉清或戲蛟龍窟殿豁數盡高帆掀
卽今異鳥聲不斷聞道看花春更繁從容一衲分若有
蕭瑟兩鬢吾能髡逢迎侯伯轉覺貴膜拜佛像心加尊
稍揖皇英頰濃淚試與屈賈招清魂荒唐大樹悉枏桂
細碎枯草多蘭蓀沙彌太學五印字靜女來懸千尺幡
主人念我塵眼昏半夜號令期至噉遲回雖得上白舫
羈紲不敢言綠尊兩祠物色采拾盡壁間杜甫真少恩
晚來光彩更騰射筆鋒正健如可吞

吏部侍郎吳沈傅師字子言

次潭州酬唐侍御姚員外游道林岳麓寺題示

承明年老輒自論乞得湘守東南奔爲聞楚國富山水
青嶂邈迤僧家園含香珥筆皆眷舊謙抑自忘臺省尊
不令執簡候亭館直許攜手游山樊忽驚列岫曉來逼
朔雪洗盡煙嵐昏碧波回嶼三山轉丹檻繚郭千艘屯
華鑣蹀躞絢沙步大旆彩錯輝松門樛枝競驚龍蛇勢
折榦不滅風霆痕相重古殿倚岳腹別引新徑縈雲根
日傷平楚虞帝魂情多思遠聊開尊危弭細管逐風颺
畫鼓繡靴隨節翻鏘金七言陵老杜入木八法蟠高軒
嗟余潦倒久不利忍復感激論元元

張碧字太碧

美人梳頭

玉堂花院紅枝小，綠窗一片春光曉。
玉容驚覺濃睡醒，圓蟾挂出妝臺表。
金盤解下叢鬢碎，三尺巫雲綰朝翠。
皓指高低寸黛愁，水精梳滑參差墜。
須臾攏掠蟬鬢生，玉釵冷透冬冰明。
芙蓉拆向新開臉，秋泉慢轉波眸橫。
鸚鵡偷來話心曲，屏風半倚遙山綠。

元和進士鮑溶字德源

霓裳羽衣歌

玉煙生窗下，輕凝晨華左。
燿鮮相陵人，言天孫機上親。
手迹有時怨別無，所惜遂令武帝厭雲韶。
金鍼天孫綴

飄飄五聲寫出心中見拊石喧金柏梁殿此衣春日賜
何人秦女腰支輕若燕香風閒旋眾彩隨聯聯珍珠貫
長絲眼前意是三清客星宿離離遶身白鸞鳳有聲不
見身出宮入徵隨伶人神仙如月只可望瑤華池頭幾
惆悵喬山一閉曲未終鼎湖秋驚白頭浪

拾遺韋一作常楚老

祖龍行
黑雲兵氣射天裂壯士朝眠寢寃結祖龍一夜歿沙北
胡亥空隨鮑魚轍腐肉偷生三千里偽書先賜扶蘇歿
墓接驪山土未乾瑞光已向芒碭起陳勝城中鼓三下

秦家天地如崩瓦
龍蛇撩亂入咸陽
少帝空隨漢家馬

檢校工部員外郎河內李商隱字義山

無愁果有愁曲

東有青龍西白虎
中含福星包世度
玉壺渭水笑清潭
鑿天不到牽牛處
麒麟踏雲天馬猶
牛山撼碎珊瑚聲
秋娥點滴不成淚
十二玉樓無故釘
推煙唾月拋千里
十番紅桐一行舛
白楊別屋鬼迷人
空畱暗記如蠶紙
日暮向風牽短絲
血凝血散今誰是
偶成轉韻七十二句贈四同舍

沛國東風吹大澤
蒲青柳碧春一色
我來不見隆準人

漉酒空餘廟中客，征東同舍鴛與鸞。酒酣勸我懸征鞍，
藍山寶肆不可入，玉中仍是青琅玕。武威將軍使中俠，
少年箭道驚楊葉。戰功高後數文章，憐我秋齋臆胡虺。
詰旦九門傳奏章，高車大馬來煌煌。路逢鄒枚不暇揖，
臘月大雪過大梁。憶昔公爲會昌宰，我時入謁虛懷待。
眾中賞我賦高唐，迴看屈宋由年輩。公事武皇爲鍊冠，
歷廳請我相所難。我時顛頓在書閣，臥枕芸香春夜闌。
明年赴辟下昭桂，東郊慟哭辭兄弟。韓公堆上跂馬時，
回看秦川樹如薺。依稀南指陽臺雲，鯉魚食鉤蟻失羣。
湘妃廟下已春盡，虞帝城前初日曛。謝游橋上澄江館，

下望山城如一彈鷓鴣聲苦曉驚眠朱槿花嬌晚相伴
頃之失職辭南風破帆壞槳荆江中斬蛟斷壁不無意
平生自許非怱怱歸來寂寞靈臺下著破藍衫出無馬
天官補吏府中趨玉骨瘦來無一把手封狴牢屯制囚
直廳印鎖黃昏愁平明赤帖使修表上賀嫖姚收賊州
舊山萬仞青霞外望見扶桑出東海愛君憂國公未能
白道青松了然在此時聞有燕昭臺挺身東望心眼開
且吟王粲從軍樂不賦淵明歸去來彭門十萬皆雄勇
首戴公恩若山重廷評日下握靈蛇書記眠時吞彩鳳
之子夫君鄭與裴何甥謝舅當世才青袍白簡風流極

碧沼紅蓮傾倒開我生麤疏不足數梁父哀吟鷓鴣舞
橫行闊視倚公憐狂來筆力如牛弩借酒祝公千萬年
吾徒禮分常周旋收旗臥鼓相天子相門出相光青史
安平公詩

丈人博陵王名家憐我總角稱才華華州畱語曉至暮
高聲喝吏放兩衙明朝騎馬出城外送我習業南山阿
仲子延岳年十六面如玉敲烏紗其弟炳章猶兩斗
瑤林瓊樹含奇花陳畱阮家諸姪秀邈逸出拜何駢羅
府中從事杜與李麟角虎翅相觀摩清詞孤韻有歌響
擊觸鐘磬鳴環珂三月石隄凍銷釋東風開花滿陽坡

時禽得伴戲新水其聲尖咽如鳴梭公時載酒領從事
踊躍鞍馬來相過仰看樓殿撮清漢坐視世界如恒沙
面熱腳掉互登陟青雲表柱白雲崖一百八句在貝葉
三十三天長雨花長者子來輒獻蓋辟支佛忞空畱躡
公時受詔鎮東魯遣我艸奏隨車牙顧我下筆卽千字
疑我讀書傾五車嗚呼大賢苦不壽時世方士無靈沙
五月至止六月病遽頽泰山驚逝波明年徒步弔京國
宅破子毀哀如何西風衝戶卷素帳隙光斜照舊燕窠
古人常歎知己少況我淪賤艱虞多如公之德世一二
豈得無淚如黃河漉膽咒願天有眼君子之德方滂沱

韓碑

元和天子神武姿彼何人哉軒與羲誓將上雪列聖恥
坐泐宮中朝四夷淮西有賊五十載封狼生羆羆生羆
不據山河據平地長戈利矛日可麾帝得聖相相曰度
賊斫不歟神扶持腰懸相印作都統陰風慘澹天王旗
愬武古通作牙爪儀曹外郎載筆隨行軍司馬智且勇
十四萬眾猶虎貌入蔡縛賊獻大廟功無與讓恩不訾
帝曰汝度功第一汝從事愈宜爲辭愈拜稽首蹈且舞
金石刻畫臣能爲古者世稱大手筆此事不繫于職司
當仁自古有不讓言訖屢領天子頤公退齋戒坐小閣

濡染大筆何淋漓點竄堯典舜典字塗改清廟生民詩
文成破體書在紙清晨再拜鋪丹墀表曰臣愈昧死上
詠神聖功書之碑碑高三丈字如斗負以靈鼈蟠以螭
句奇語重喻者少讒之天子言其私長繩百尺曳碑倒
麤沙大石相摩治公之斯文若元氣先時已入人肝脾
湯盤孔鼎有述作今無其器存其詞嗚呼聖皇及聖相
相與烜赫流淳熙公之斯文不示後曷與三五相攀追
願書萬本誦萬遍口角流沫右手胝傳之七十有二代
以爲封禪玉檢明堂基

日高

鍍環故錦縻輕拖玉篴不動便門鎖水精眠寤是何人
闌藥日高紅髮鬢飛香上雲春訴天雲梯十二門九關
輕身滅影何可望粉蛾帖臥屏風上

燕臺四首

風光冉冉東西陌幾日嬌魂尋不得密房羽客類芳心
冶葉倡條徧相識煖藹輝遲桃樹西高鬢立共桃鬢齊
雄龍雌鳳杳何許絮亂絲繁天亦迷醉起微陽若初曙
映簾窈斷聞殘語愁將鐵网罟珊瑚海闊天翻迷處所
衣帶無情有寬窄春煙白碧秋霜白研丹擘石天不知
願得天牢鎖窈魄夾羅委篋單綃起香肌冷襯琤琤佩

今日東風自不勝化作幽光入西海

春

前閣雨簾愁不卷後堂芳樹陰陰見石城景物類黃泉
夜半行郎空柘彈綾扇喚風闐闐天輕帷翠幕波淵旋
蜀魄寂寞未有伴幾夜瘴花開木棉桂宮畱影光難取
媽薰蘭破輕輕語直教銀漢墮懷中未遣星妃鎮來去
濁水清波何異源濟河水清黃河渾安得薄霧起緇裙
手接雲輶呼太君

夏

月浪衝天天宇溼涼蟾落盡疏星入雲屏不動掩孤顰
西樓一夜風箏急欲織相思花寄遠終日相思卻相怨
但聞北斗聲回環不見長河水清淺金魚鎖斷紅桂春

古時塵滿鴛鴦茵，堪悲小苑作長道。玉樹未憐亡國人，
瑤琴悄悄藏楚弄。越羅冷薄金泥重，簾鉤鸚鵡夜驚霜。
喚起南雲繞雲夢，雙瑞丁丁聯尺素。內記湘川相識處，
歌脣一世銜雨看。可惜馨香手中故。秋

天東日出天西下，雌鳳孤飛女龍寡。青溪白石不相望，
堂中遠甚蒼梧野。凍壁霜華交隱起，芳根中斷香心死。
浪乘畫舸憶蟾蜍，月娥未必嬋娟子。楚管蠻絃絳一槩，
空城舞罷腰支在。當時歡向掌中銷，桃葉桃根雙姊妹。
破鬟倭墮陵朝寒，白玉燕釵黃金蟬。風車雨馬不持去，
蠟燭嗁紅怨天曙。冬

燒香曲

鈿雲蟠蟠牙比魚孔雀翅尾蛟龍鬢漳宮舊樣博山鑪
楚嬌奉笑開芙蓉八蠶繭絲小分炷獸燄微紅隔雲母
白天月澤寒未冰金虎含秋向東吐玉佩呵光銅照昏
簾波日暮依斜門西來欲上茂陵樹柏梁已失栽桃魂
露庭月并大紅氣輕衫薄紬當君意蜀殿瓊人伴夜淡
金鑿不問殘鐙事何當巧吹君懷度襟灰爲土填清露
河陽詩

黃河搖溶天上來玉樓影近中天臺龍頭瀉酒客壽杯
主人淺笑紅玫瑰梓澤東來七十里長溝複塹埋雲子

可惜秋眸一顰光漢陵走馬黃塵起南浦老魚腥古涎
眞珠密字芙蓉篇湘中寄到牋不到衰容自去拋涼天
憶得蛟絲裁小卓蛺蝶飛回木綿薄綠繡笙囊不見人
一口紅霞夜淡嚼幽蘭泣露新香外畫圖淺縹松溪水
楚絲微覺竹枝高半曲新詞寫絲紙巴西夜市紅守宮
後房點臂斑斑紅隄南渴雁自飛久蘆花一夜吹西風
曉簾串斷蜻蜓翼羅屏但有空青色玉灣不釣三千年
蓮房暗被蛟龍惜溼銀注鏡井口平鸞釵映月寒琤琤
不知桂樹在何處仙人不下雙金莖百尺相風插重屋
側近媽紅伴柔綠百勞不識對月郎湘竹千條爲一束

趙牧

對酒

雲翁耕扶桑種麥養日烏手按六十花甲子循環落落
 如弄珠長繩繫日未是愚有翁臨鏡捋白鬢飢魂弔骨
 吟古書馮唐八十無高車人生如雲在須臾何乃自苦
 八尺軀裂衣換酒且為娛勸君朝飲一瓢夜飲一壺杞
 天崩雷騰騰桀非堯是何足憑桐君桂父豈勝我醉裏
 白龍多上昇菖蒲花開魚尾定金丹始可延君命景人

隋縣尉太原溫庭筠

本名岐

字飛卿

京兆長安人

懊惱曲

藕絲作綫難勝針，縷粉染黃那得淡。玉白蘭芳不相顧，
青樓一笑輕千金。莫言自古皆如此，健劍荆鐘鉛繞指。
三秋庭綠盡迎霜，惟有荷花守紅死。廬江小吏朱斑輪，
柳縷吐芽香玉春。兩股金釵已相許，不令獨作空城塵。
悠悠楚水流如馬，恨紫愁紅滿平野。野土千年怨不平，
至今燒作鴛鴦瓦。

春野行

艸淺淺春如翦花，壓李娘愁飢蠶欲成繭。東城年少氣
堂堂，金丸驚起雙鴛鴦。含羞更問衛公子，月到枕前春
夢長。

達摩支曲

擣麝成塵香不滅
拗蓮作寸絲難絕
紅淚文姬洛水春
白頭蘇武天山雪
君不見無愁高緯花
漫漫漳浦宴餘
清露寒一旦臣僚共
囚虜欲吹羌管先
沈瀾舊臣頭髻
霜華早可惜雄心醉
中老萬古春歸
寢不歸鄴城風雨
連天艸

雞鳴埭曲

南朝天子射雉時
銀河耿耿星參差
銅壺漏斷寢初覺
寶馬塵高人未知
魚躍蓮東蕩宮沼
濛濛御柳縣棲鳥
紅妝萬戶鏡中春
碧樹一聲天下曉
盤踞勢窮三百年

朱方殺氣成愁煙，彗星拂地浪連海。戰鼓渡江塵漲天，
繡龍畫雉填宮井。野火風驅燒九鼎，殿巢江燕砌生蒿。
十二金人霜炯炯，芊緜平綠臺城基。煖色春容荒古陂，
甯知玉樹後庭曲。畱待野棠如雪枝。

織錦詞

丁東細漏侵瓊瑟，影轉高梧月初出。簇簌金梭萬縷紅，
鴛鴦豔錦初成疋。錦中百結皆同心，縈亂雲盤相間淡。
此意欲傳傳不得，玫瑰作柱朱弦琴爲君。裁破合歡被，
星斗迢迢共千里。象尺薰鑪未覺秋，碧池已有新蓮子。
夜宴謠

長釵墜髮雙蜻蜓碧盡山斜開畫屏虬鬚公子五侯客
一飲千鐘如建瓴鸞咽妬唱圓無節眉斂湘煙袖回雪
清夜恩情四座同莫令溝水東西別亭亭蠟淚香珠殘
暗露小風羅幙寒飄飄鞞帶儼相次二十四枝龍畫竿
裂管縈弭共繁曲芳尊細浪傾春醪高樓客散杏花多
脈脈新蟾如瞪目

曉仙謠

玉妃喚月歸海宮月色澹白涵春空銀河欲轉星靨靨
碧浪疊山埋早紅宮花有露如新淚小苑叢叢入寒翠
綺閣空傳唱漏聲网軒未辨陵雲字遙遙珠帳連湘煙

鶴扇如霜金骨仙碧簫曲盡彩霞動下視九州皆悄然
秦王女騎紅尾鳳半空回首晨雞弄霧蓋紅塵一萬家
世人猶作牽情牒

塞寒行

燕弓弭勁霜封瓦樸簌寒雕睇平野一點黃塵起雁喧
白龍堆下千蹏馬河源怒濁風如刀剪斷朔雲天更高
晚出榆關逐征北驚沙飛迸衝貂袍心許凌煙名不滅
年年錦字傷離別彩豪一畫竟何榮空使青樓淚成血

湖陰詞

并序

王敦舉兵至湖陰明帝微行視其營伍由是樂府有

湖陰曲而亡其詞因作而附之

祖龍黃鬚珊瑚鞭鐵驄金面青連錢虎髯拔劍欲成癡
日壓賊營如血鮮海旗風急驚眠起甲重光搖照湖水
蒼黃追騎塵外歸森索妖星陣前殂五陵愁碧春萋萋
霸川玉馬空中嘶羽書如電入青瓊雪挽加槌催畫鞞
白虯天子金鎧鉞高臨帝坐回龍章吳波不動楚山晚
花壓闌干春晝長

張靜婉采蓮歌

并序

靜婉羊侃妓也其容絕世侃自爲采蓮二曲今樂府
所存失其故意因歌以俟采詩者事具載梁史

蘭膏墜髮紅玉春燕釵拖頸拋盤雲城邊楊柳向嬌晚
門前溝水波粼粼麒麟公子朝天客珂馬璫璫度春陌
掌中無力舞衣輕剪斷鮫綃破春碧抱月飄煙一尺腰
麝臍龍髓憐嬌嬈秋羅拂水碎光動露重花多香不銷
鷓鴣交交塘水滿綠芒如粟蓮莖短一夜西風送雨來
粉痕零落愁紅淺船頭折藕絲暗牽藕根蓮子相畱連
郎心似月月未缺十五十六清光圓

侍御史崔珣字夢之

道林寺

臨湘之濱麓之隅西有松寺東岸無松風十里擺不斷

竹泉瀉入千僧廚宏梁大棟何足貴山寺難有山泉俱
四時唯夏不敢入燭龍安敢停斯須遠公池上種何物
碧羅扇底紅鱗魚香閣朝鳴大泐鼓天宮夜轉三乘書
野花市井栽不著山雞飲啄聲相呼金檻僧迴步步影
石盆水濺聯聯珠北臨高處日正午舉手欲摸黃金烏
遙江大船小於葉遠村雜樹齊如蔬潭州城郭在何處
東邊一片青模劔今來古往人滿地勞生未了歸北虛
長卿之門久寂寞五言七字誇規模我吟杜詩清入骨
灌頂何必須醍醐白日不照耒陽縣皇天戾飢寒軀
明珠大貝采欲盡蚌蛤空滿赤沙湖今我題詩亦無味

懷賢覽古成長吁不如興罷過江去已有好月明歸途
贈右補闕蘇州陸龜蒙字魯望

五歌詩水鳥一首

水鳥山禽雖異名天工各與雙翅翎鷓鴣巢吞啄卽一例
游處高卑殊不停則有鶖鉞爪戟勁立直眎者擊搏挽
裂圖羶羸如此等色恣豪橫聳身往往陵青冥爲人羅
絆取材力韋講綵綬縣金鈴三驅不以鳥捕鳥矢下先
得聞諸經超然可繼義勇後恰似有志行天荆鷗閑鶴
散爾自遂意思不受人丁甯今朝權倚寒江汀春鉏翡
翠參鷓鴣孤翹側睨瞥滅沒未是卽肯馴檐楹婦女衣

襟便佞舌始得金籠日提挈精神卓犖背人飛冷抱蒹
葭宿煙月我與時情太乖刺祇是江禽有毛髮殷勤謝
汝莫相猜歸來長短同羣活

句曲山朝真詞二首

并序

歲三月十八日句曲山道士朝真於大茅峯上學神
仙有至自千萬里者余距華陽洞天程止信宿塵約
不能遂去馳神旦旦忽若載昇矣因作朝真詞迎送
各二解以自塞意

九華磬答寒泉急十絕幡搖翠微溼司命旂旌未下來
焚香抱簡凝神立殘星下照霓襟冷缺月纔分鶴輪影

空洞靈章發一聲春來萬壑煙花醒
迎真

縈雲鳳髻飄然解玉鉞元干儼先邁朝真弟子悄無言
再拜碧杯添沆瀣火鑪跳躍龍毛蓋腦髮青青赧綷綷
萬象銷沈一瞬間空餘月外聞殘佩
送真

戰秋詞

八月空堂前臨隙荒抽關散扇晨烏未光左右物態森
疎彊梁天隨子爽駮恂慄恍軍庸之我當濠然而溝壘
然而牆燾然而桂隊然而篁杉巉攢矛蕉標建常槁艾
矢束矯蔓弭張鼉合助吹烏分啟行若革進而金止固
違陰而就陽無何雲顏師風旨

疑當作音

伯蒼茫慘澹隳危

撼劃煙蒙上焚雨陣下棘如濠者注如壘者闢如燾者
亞如隊者析如矛者折如常者坼如矢者仆如弭者磔
如吹者瘖如行者惕石有髮兮盡纍木有耳兮咸馘雲
風雨煙乘勝之勢驕杉篁蕉蔓敗北之氣撼天隨子曰
吁秋無神則已如其有神吾爲爾羞之南北畿圻盜興
五期方州大都虎節龍旗瓦解冰碎瓜分豆離斧抵耜
老干穿乳兒昨宇今燼朝人暮尸萬犢一啗千倉一炊
擾踐邊朔殲傷蠻夷制質守帥披攘城池弓卷不利甲
綴不離凶渠歌笑裂地無疑天有四序秋爲司荆少昊
負辰親朝百靈募收相臣太白將星可霾可電可風可

霆可壅弱顛陷可天札迷冥曾忘鑿翦息意澄甯苟蜡
禮之云責觸天怒而誰丁奈何欺荒庭陵壞砌搬崇茝
批宿蕙揭編茅而逞力斷緯蕭而作勢不過約弱敲垂
戕殘廢替可謂棄其本而趨其末舍其大而從其細也
詞猶未已色若愧恥於是墮者止偃者起

迎潮送潮詞

并序

余耕稼所在松江南旁田廬門外有溝通浦漵而朝
夕之潮至焉天弗雨則軋而畱之用以滌濯灌溉及
物之功甚鉅其羸壯遲速繫望晦盈虛也用之則順
而進舍之則黜而退有類乎君子之道翫而感之作

迎潮送潮詞二首聊寄聲於騷人之末

江霜嚴兮楓葉丹潮聲高兮虛落寒鷗巢卑兮漁箔短
遠岸沒兮光爛爛潮之德兮無際既充其大兮又充其
細密幽人兮款柴門寂寞流連兮依稀舊痕濡腴澤槁
兮潮之恩不尸其功兮歸於混元 迎潮

潮西來兮又東下日染中流兮紅灑灑汀葭蒼兮嶼蓼
枯風騷牢兮愁煙孤大幾望兮微將晦翳睨瀛溶兮斂
然而退愛長波兮數數一幅巾兮無纓可濯帆生塵兮
楫有衣悵潮之還兮吾猶未歸 送潮

贈禮部員外郎江夏李沈字東濟

巫山高

扶天心開地脈浮動陵霄拂藍碧襄王端眸望不極似
睹瑤姬長歎息巫妝不治獨西望暗泣紅蕉抱雲帳君
王妒妾癡荆宮虛把金泥印仙掌江濤迅激如相助十
二獬龍怒行雨崑崙謾有通天路九峯正在天低處

癡仙謠

海宮蹙浪收殘月挈壺掌事傳更歇銀蟾半墜恨流咽
六鼇披月撼蓬闕九炁眞翁騎白犀臨池靜聽雌蛟嘯
桂花浥露曙香冷八窗玉朗驚晨雞裁紗剪羅帖丹鳳
膩霞遠閉瑤山癡露乾欲醉芙蕖塘回首驅雲朝正陽

七言歌行第四卷

八窗正雨驚
具蟻蜂
遠傳
羅錦
長風

六積
如日
濕
雲
關
共
天
真
餘
濕
白
單
調
出
轉
難
數
到

林宮
綴
影
如
夢
只
單
壹
等
事
對
更
燈
照
離
半
想
避
窮
幽

翻
山
滿
思
不
只
其
山
行
歸
於
心
想
歸

一
辭
請
怒
汗
雨
皇
崑
崙
百
歲
天
祖
其
奉
五
立
天
外
風
夏

土
破
妾
飄
懷
宮
處
賦
金
所
用
山
華
山
壽
母
嬌
賦
醉
想
牛

前
江
波
疑
殘
息
巫
歎
不
肯
憐
西
望
胡
山
孫
燕
賦
雲
悲
怪

夫
天
心
開
賦
飄
斜
陣
刻
香
凝
蘭
蕙
寒
玉
龍
朝
望
不
蘇
心

平山高

唐詩選第十

七言歌行卷第五

唐詩選弟士

長沙湘潭王闓運字王父撰

序目

韋元甫一首 戴叔倫二首 盧綸一首 李益三

首 李端三首 劉商二首 王建七首 柳宗元

四首 劉禹錫四首 呂溫一首 張籍一十首

元稹一十一首 白居易八首 楊衡二首 劉言

史一首 李廓二首 鄭嵎一首 李羣玉一首

羅隱二首

右錄十九人詩六十六首

淮南節度使韋元甫十六首

木蘭歌

木蘭抱杼嗟借問復爲誰欲聞所戚戚感激疆其顏老
父隸兵籍氣力日衰耗豈足萬里行有子復尙少胡沙
沒馬足朔風裂人膚老父舊羸病何以彊自扶木蘭代
父忒秣馬備戎行易卻紵綺裳洗卻鉛粉妝馳馬赴軍
幕慷慨攜干將朝屯雪山下暮宿青海旁夜襲燕支虜
更攜于闐羌將軍得勝歸士卒還故鄉父母見木蘭喜
極成悲傷木蘭能承父母顏卻卸巾鞬理絲簧昔爲烈
士雄今爲嬌子容親戚持酒賀父母始知生女與男同

門前舊軍都十年共崎嶇永結弟兄交歿戰誓不渝今
者見木蘭言聲雖是顏貌殊驚愕不敢前歎息徒嘻吁
世有臣子心能如木蘭節忠孝兩不渝千古之名焉可
滅

容管經略使金壇戴叔倫字幼公

女耕田行

乳燕入巢筍成竹誰家二女種新穀無人無牛不及犁
持刀斫地翻作泥自言家貧母年老長兄從軍未娶嫂
去年災疫牛園空截絹買刀都市中頭巾掩面畏人識
以刀代牛誰與同姊妹相攜心正苦不見路人唯見土

疏通畦隴防亂苗整頓溝塍待時雨日正南岡下餉歸
可憐朝雉擾驚飛東鄰西舍花發盡共惜餘芳淚滿衣
早春曲

青樓昨夜東風轉錦帳凝寒覺春淺垂楊搖絲鶯亂嗁
娟娟煙光不堪翦博山吹雲龍腦香銅壺滴愁更漏長
玉頰嗁紅癯初醒羞見青鸞鏡中影儂家少年愛游逸
萬里輪躑去無迹朱顏未衰消息稀腸斷天涯艸空碧
檢校戶部郎中蒲盧綸字允言
臘日觀咸甯王部曲娑勒擒豹歌
山頭曈曈日將出山下獵圍照初日前林有獸未識名

將軍促騎無人聲潛形踧伏艸不動雙鷗旋轉羣鴉鳴
陰方質子才三十譯語受詞蕃語揖捨鞍解甲疾如風
人忽虎蹲獸人立欬然扼頰批其頤爪牙委地涎淋漓
既蘇復吼拗仍怒果叶英謀生致之拖自淡叢日如電
萬夫失容千馬戰傳呼賀拜聲相連殺氣騰陵陰滿川
始知縛虎如縛鼠敗虜降羌生眼前祝爾嘉詞爾無苦
獻爾將隨犀象舞苑中流水禁中山期爾攫搏開天顏
非熊之兆慶無極願紀雄名傳百蠻

禮部尙書姑臧李益字君虞

登夏州城觀送行人賦得六州胡兒歌

六州胡兒六蕃語十歲騎羊逐沙鼠沙頭牧馬孤雁飛
漢軍游騎貂錦衣雲中征戍三千里今日征行何歲歸
無定河邊數株柳共送行人一杯酒胡兒起作和蕃歌
齊唱嗚嗚盡垂手心知舊國西州遠西向胡天望鄉久
回頭忽作異方聲一聲回盡征人首蕃音虜曲一難分
似說邊情向塞雲故國關山無限路風沙滿眼堪斷魂
不見天邊青作冢古來愁殺漢昭君

從軍夜次六胡北飲馬磨劍石爲祝殤詞

我行空磧見沙之粼粼與艸之冪冪半沒胡兒磨劍石
當時洗劍血成川至今艸與沙皆赤我因扣石問以言

水流嗚咽幽艸根君甯獨不怪陰燐吹火熒熒又爲碧
有鳥自稱蜀帝魂南人伐竹湘山下交根接葉滿淚痕
請君先問湘江水然我此恨乃可論秦亡漢絕三十國
關山戰歿知何極風飄雨灑水自流此中有冤消不得
爲之彈劍作哀吟蓬沙四起雲沈沈滿營戰馬嘶欲盡
畢昂不見胡天陰東征曾弔長平苦往往晴明獨風雨
年移代去感精魂空山月暗聞鼙鼓秦坑趙卒四十萬
未若格鬪傷戎虜聖君破胡爲六州六州又盡爲胡北
韓公三城斷胡路漢甲百萬屯邊秋乃分司空授朔土
擁以玉節臨諸侯漢爲一雪萬世讐我今抽刀勒劍石

告爾萬世爲唐休又聞招魂有美酒爲我澆酒祝東流
殤爲魂兮可以歸還故鄉些沙場地無人兮爾獨不可
以久畱

輕薄篇

豪不必馳千騎雄不在垂雙鞬天生俊氣自相逐出與
鵬鷖同飛翻朝行九衢不得意下鞭走馬城西原忽聞
燕雁一聲去回鞍挾彈平陵園歸來青樓曲未半美人
玉色當金尊淮陰少年不相下醉酣半笑倚市門安知
我有不平色白日欲落紅塵昏从生容易如反掌得意
失意由一言少年但飲莫相問此中報讐亦報恩

杭州司馬趙郡李端字正己

贈康洽

黃鬢康兄酒泉客平生出入王侯宅今朝醉臥又明朝
忽憶故鄉頭已白流年恍惚瞻西日陳事蒼茫指南陌
聲名恆壓鮑參軍班位不過楊執戟邇來七十遂無機
空是咸陽一布衣後輩輕肥賤衰朽五侯門館許因依
自言萬物有移改始信桑田變成海同時獻賦人皆盡
共壁題詩君獨在步出東城風景和青山滿眼少年多
漢家尙壯今則老髮短心長知奈何華堂舉杯白日晚
龍鐘相見誰能免君今已反我正來朱顏宜笑能幾回

借問朦朧花樹下誰家畚插築高臺

瘦馬行

城旁牧馬驅未過一馬徘徊起還臥
眼中有淚皮有瘡骨毛焦瘦令人傷
朝朝放在兒童手誰覺舉頭看故鄉
往時漢地相馳逐如雨如風過平陸
豈意今朝驅不前蟲蚋滿身泥上腹
路人識是名馬兒疇昔三軍不得騎
玉勒金鞍既已遠追奔獲獸有誰知
終身櫪上食君艸遂與駑駘一時老
儻借長鳴隴上風猶期一戰安西道
荆門雨歌送兄赴夔州

余兄佐郡經西楚餞行因賦荆門雨
霹霹燮燮聲漸繁

浦裏人家收市喧重陰大點過欲盡碎浪柔文相與翻
雲間悵望荆衡路萬里青山一時暮琵琶寺裏響空廊
熨斗陂前濕荒戍沙尾長檣發漸稀竹竿艸屨涉流歸
夷陵遠色半成燒漢上游倡始濯衣船門相對多商估
葛服龍鐘篷下語自是湘州石燕飛那關齊地商羊舞
曾爲江客念江行腸斷秋荷雨打聲摩天古木不可見
住岳高僧空得名今朝馬首臨欲別遙憶荆門雨中發
檢校禮部郎中彭城劉商字子夏

胡笳十八拍

漢室將衰兮四夷不賓動干戈兮征戰頻哀哀父母生

育我見離亂兮當此辰紗窗對鏡未經事將謂珠簾能
蔽身一朝胡騎入中國蒼黃處處逢胡人忽將薄命委
鋒鏑可惜紅顏隨虜塵 第一拍

水頭宿兮艸頭坐風吹漢地衣裳破羊脂沐髮長不梳
羔子皮裘領仍左狐襟貉袖腥復臙晝披行兮夜披臥
羶帳時移無定居日月長兮不可過 第五拍

陝州司馬潁川王建字仲初

關山月

關山月營開道白前軍發凍輪當磧光悠悠照見三堆
兩堆骨邊風割面天欲明金沙嶺西看看沒

遼東行

遼東萬里遼水曲古戍無城復無屋黃雲蓋地雪作山
不惜黃金買衣服戰回各自收弓箭正西回面家鄉遠
年年郡縣送征人將與遼東作北阪甯爲艸木鄉中生
有身不向遼東行

田家畱客

人客少能畱我屋客有新漿馬有粟遠行童僕應苦飢
新婦廚中炊亦熟不嫌田家破門戶蠶房新泥無風土
行人但飲莫畏貧明府上來何苦辛丁甯回語房中妻
有客勿令兒夜啼雙豕直西有縣路我教丁男送君去

公婦

新婦去年胼手足衣不暇縫蠶廢簇白頭使我憂家事
還如夜裏燒殘燭當初爲取旁人語豈道如今自辛苦
在時縱嫌織絹遲有絲不上鄰家機

寄遠曲

美人別來無處所巫山月明湘江雨千回相見不分明
井底看星牕中語兩心相對尙難知何況萬里不相疑
鏡聽詞

重重摩挲嫁時鏡夫嫠遠行憑鏡聽回身不遣別人知
人意丁甯鏡神聖懷中收拾雙錦帶恐畏街頭見驚怪

嗟嗟際際下堂階
獨自竈前來
跪拜出門願不聞悲哀
郎在任郎回未回
月明地上人過盡
好語多同皆道來
卷帷上牀喜不定
與郎裁衣失翻正
可中三日得相見
重繡鏡囊磨鏡面

射虎行

自忖射虎得虎歸
官差射虎得虎遲
獨行以畝當虎命
兩人因疑終不定
朝朝暮暮空手回
山下綠苗成道徑
遠立不敢汗箭鏃
聞畝還來分虎肉
惜畝猛虎著淡山
射殺恐畏終身閒

柳州刺史河東柳宗元字子厚

楊白花

楊白花風吹渡江水坐令宮樹無顏色搖蕩春光千萬
里茫茫曉日下長秋哀歌未斷城鴉起

漁翁

漁翁夜傍西巖宿曉汲清湘然楚竹煙銷日出不見人
欸乃一聲山水綠回看天際下中流巖上無心雲相逐
放鷓鴣詞

楚越有鳥甘且腴嘲嘲自名爲鷓鴣徇媒得食不復慮
機械潛發羅罝羽毛摧折觸籠籩煙火煽赫驚庖廚
鼎前芍藥調五味膳夫攘腕左右視齊王不忍殺鯨牛

簡子亦放邯鄲鳩二君得意猶念此況我萬里爲孤囚
破籠展翅當遠去同類相呼莫相顧

戲題石門長老東軒

石門長老身如臈旃檀成林手所種坐來念念非昔人
萬徧蓮花爲誰用如今七十自忘機貪愛都忘筋力微
莫向東軒春埜望花開日出雉皆飛

檢校禮部尙書贈戶部尙書彭城劉禹錫字夢得

平蔡州三首

選一

汝南晨雞喔喔鳴城頭鼓角音和平路旁老人憶舊事
相與感激皆涕零老人收泣前致辭官軍入城人不知

忽驚元和十二載重見天寶承平時

西山蘭若試茶歌

山僧後檐茶數叢春來映竹抽新茸宛然爲客振衣起
自傍芳叢摘鷹觜斯須炒成滿室香便酌砌下金沙水
驟雨松聲入鼎來白雲滿盃花裴回悠揚噴鼻宿醒散
清峭徹骨煩襟開陽崖陰嶺各殊氣未若竹下莓苔地
炎帝雖嘗未解煎桐君有錄那知味新芽連拳半未舒
白摘至煎俄頃餘木蘭霑露香微似瑤艸臨波色不如
僧言靈味宜幽寂采采翹英爲嘉客不辭緘封寄郡齋
甌井銅鑪損標格何況蒙山顧渚春白泥赤印走風塵

欲知花乳清冷味須是眠雲跂石人

秋螢引

溼陵秦苑遙蒼蒼陳根腐葉秋螢光
夜空寥寂金氣淨千門九陌飛悠揚
紛綸輝映互明滅金爐星噴燈花發
露華洗濯清風吹低昂不定招搖垂高麗
罽照蛛網斜歷璇題舞羅幌曝衣樓上拂香
裙承露臺前轉仙掌槐市諸生夜讀書
北窗分明辨魯魚行子東山起征思
中郎騎省悲秋氣銅雀人歸自入簾
長門帳開來照淚誰言向晦常自明
兒童走步嬌女爭天生有光非自眩
遠近低昂暗中見撮蟲妖鳥亦夜飛
翅如車輪人不見

泰娘歌

并引

泰娘本韋尚書家主謳者初尚書爲吳郡得之命樂工誨之琵琶使之歌且舞無幾何盡得其術居一二歲攜之以歸京師京師多新聲善工於是又捐去故伎以新聲度曲而泰娘名字往往見稱于貴游之間元和初尚書薨于東京泰娘出居民間久之爲蘄州刺史張繇所得其後繇坐事謫居武陵郡卒泰娘無所歸地荒且遠無有能知其容與藝者故日抱樂器而哭其音焦殺以悲雒客聞之爲歌其事以續於樂

府云

泰娘家本閩門西門前綠水環金隄有時妝成好天氣
走上皋橋折花戲風流太守韋尙書路旁忽見停隼旗
斗量明珠烏傳意紺幟迎入專城居長鬢如雲衣似霧
錦茵羅薦承輕步舞學驚鴻水榭春歌撩上客蘭堂暮
從郎西入帝城中貴游簪組香簾櫳低鬟緩視抱明月
纖指破撥生胡風繁華一旦有消歇題劍無光履聲絕
洛陽舊宅生草萊杜陵蕭蕭松柏哀妝斂蟲網厚如蠶
博山鑪側傾寒灰蘄州刺史張公子白馬新到銅駝里
自言買笑擲黃金月墮雲中從此始安知鵬鳥坐隅飛
寂寞旅魂招不歸秦嘉鏡有前時結韓壽香銷故篋衣

山城少人江水碧斷雁哀蟻風雨夕朱弨已絕爲知音
雲鬢未秋私自惜舉目風煙非舊時
躑躅尋歸路多參差
如何將此千行淚更灑湘江斑竹枝

御史中丞貶衡州刺史河中呂溫字和叔

道州春游歐陽家林亭

道州城北歐陽家
公郭一里占煙霞
主人雖樸甚有思
解畱滿地紅桃花
桃花成泥不須掃
明朝更訪桃源老
政成興足卽告歸
門前便是家山道

國子司業吳張籍字文昌

白紵歌

皎皎白紵白且鮮將作春衣稱少年裁縫長短不能定
自持刀尺向姑前復恐蘭膏汗纖指常遣傍人收墮珣
衣裳著時寒食下還把玉鞭鞭白馬

寄衣曲

織素縫衣獨苦辛遠因回使寄征人官家亦自寄衣衣
貴從妾手著君身高堂姑老無侍子不得自到邊城裏
殷勤爲看初著時征夫身上宜不宜

送遠曲

戲馬臺南山簇簇山邊飲酒歌別曲行人醉後起登車
席上回尊勸童僕青天漫漫覆長路遠游無家安得住

願君到處自題名他日知君從此去

牧童詞

遠牧牛繞村四面禾黍稠
陂中飢鳥啄牛背使我不
得戲隴頭入陂艸多牛散
行白犢時向蘆中鳴隔隄
吹葉應同伴還鼓長鞭三
四聲牛牛食艸莫相觸官
家截爾頭上角

古釵歎

古釵墮井無顏色百尺泥中
今復得鳳皇宛轉有古儀
欲爲首飾不稱時女伴傳
看玉窗下羅袖拂拭生光
輝蘭膏已盡股半折雕文
刻樣無季月雖離井底入
匣中

不用還與墜時同

節婦吟寄東平李司空師道

君知妾有夫贈妾雙明珠感君纏絲意繫在紅羅襦妾
家高樓連苑起良人執戟明光裏知君用心如日月事
夫誓擬同生歿還君明珠雙淚垂何不相逢未嫁時

吳宮怨

吳宮四面秋江水江清露白芙蓉歿吳王醉後欲更衣
坐上美人嬌不起宮中千門復萬戶君恩反覆誰能數
君心與妾既不同徒向君前作歌舞茱萸滿宮紅實垂
秋風嫋嫋生繁枝姑蘇臺上夕燕罷他人侍寢還獨歸

白日在天光在地君今那得長相棄

白頭吟

請君剗上琴彈我白頭吟憶昔君前嬌笑語兩情宛轉
如縈素宮中爲我起高樓更開花池種芳樹春天百艸
秋始衰棄我不待白頭時羅襦玉珥色未暗今朝已道
不相宜揚州青銅作明鏡暗中持照不見影人心回互
自無窮眼前好惡那能定君恩已去若再返菖蒲花開
月長滿

短歌行

青天蕩蕩高且虛上有白日無根株流光暫出還入地

使我年少不須與君相逢勿寂寞衰老不復如今樂
玉卮盛酒置君前再拜願君千萬年

泗水行

泗水流急石纂纂鯉魚上下紅尾短春冰銷散日華滿
行舟往來浮橋斷城邊魚市人早行水煙漠漠多棹聲
武昌軍節度使贈尚書右僕射河內元稹字微之

憶遠曲

憶遠曲郎身不遠郎心遠沙隨郎飯俱在匙郎意看沙
那比飯水中畫字無字痕君心暗畫誰會君況妾事姑
姑進止身去門前同萬里一家盡是郎腹心妾似生來

無兩耳妾身何足言聽妾私勸君君今夜夜醉何處姑
來伴妾自閉門嫁夫恨不早養兒將備老妾自嫁郎身
骨立老姑爲郎求娶妾妾不忍見姑郎忍見爲郎忍耐
看姑面

田家詞

牛吒吒田确确旱塊敲牛蹠趵種得官倉珠顆穀六
十年來兵簇簇月月食糧車轆轆一日官軍收海服驅
牛駕車食牛肉歸來收得牛兩角重鑄耒犁作斤劬姑
舂婦擔公輸官輸官不足歸賣屋願官早勝讐早復農
畝有兒牛有犢誓不遣官軍糧不足

俠客行

俠客不怕死怕在事不成事成不肯藏姓名我非竊賊
誰夜行白日堂堂殺袁盜九衢艸艸人面青此客此心
師海鯨海鯨露背橫滄溟海波分作兩處生分海滅海
力俠客有謀人莫測三尺鐵蛇延二國

苦樂相倚曲

古來苦樂之相倚近於掌上之十指君心半夜猜恨生
荆棘滿懷天未明漢皇眼瞥飛燕時可憐班女恩已衰
未有因由相決絕猶得半年佯煖熱轉將淡意諭旁人
緝綴瑕疵遣潛說一朝詔下辭金屋班姬自痛何倉卒

呼天撫地將自明不悟尋時暗銷骨白首宮人前再拜
願將日月相揮解苦樂相尋晝夜間燈炷那有天明在
主今被奪心應苦妾奪淡恩初爲主欲知妾意恨主時
主今爲妾思量取班姬收淚抱妾身我曾排擯無限人

連昌宮詞

曲

連昌宮中滿宮竹歲久無人森似束又有牆頭千葉桃
風動落花紅簌簌宮邊老翁爲余泣小年進食曾因入
上皇正在望仙樓太真同凭闌干立樓上樓前盡珠翠
炫轉熒煌照天地歸來如寤復如癡何暇備言宮裏事
初過寒食一百六店舍無煙宮樹綠夜半月高弭索鳴

賀老琵琶定場屋力士傳呼覓念奴念奴潛伴諸郎宿
須臾覓得又連催特敕街中許然燭春嬌滿眼睡紅綃
掠削雲鬟旋裝束飛上九天歌一聲二十五郎吹管逐
逡巡大徧涼州徹色色龜茲轟錄續李謨撒苗傍宮牆
偷得新翻數般曲平明大駕發行宮萬人歌舞途中
百官隊仗避岐薛楊氏諸姨車鬪風明年十月東都破
御路猶存祿山過驅令供頓不敢藏萬姓無聲淚潛墮
兩京定後六七年卻尋家舍行宮前莊園燒盡有枯井
行宮門明樹宛然爾後相傳六皇帝不到離宮門久閉
往來年少說長安元武樓成花萼廢公年敕使因斫竹

偶值門開暫相逐荆榛櫛比塞池塘狐兔驕癡緣樹木
舞榭傾欹基尚存文窗窈窕紗猶綠塵埋粉壁舊花鈿
烏啄風箏碎珠玉上皇徧愛臨砌花依然御榻臨階斜
蛇出燕巢盤鬪栱菌生香案正當衙寢殿相連端正樓
太真梳洗樓上頭晨光未出簾影黑至今反挂珊瑚鉤
指示傍人因慟哭卻出宮門淚相續自從此後還閉門
夜夜狐狸上門屋我聞此語心骨悲太平誰致亂者誰
翁言野父何分別耳聞眼見爲君說姚崇宋璟作相公
勸諫上皇言語切燮理陰陽禾黍豐調和中外無兵戎
長官清平太守好揀選皆言由相公開元之末姚宋歿

朝廷漸漸由妃子祿山宮裏養作兒虢國門前鬧如市
弄權宰相不記名依稀憶得楊與李廟謨顛倒四海搖
五十年來作瘡痂今皇神聖丞相明詔書纔下吳蜀平
官軍又取淮西賊此賊亦除天下甯年年耕種宮前道
今年不遣子孫耕老翁此意淡望幸努力廟謨休用兵

望雲騅馬歌

并序

德宗皇帝以八馬幸蜀七馬道斲唯望雲騅來往不
頓貞元中老歿天廐臣稹作歌以記之

憶昔先皇幸蜀時八馬入谷七馬疲肉綻筋攣四蹶脫
七馬歿盡無馬騎天子蒙塵天雨泣巉巖道路淋漓溼

崢嶸白艸眇難期
諗洞黃泉安可入
朱泚圍兵抽未盡
懷光寇騎追行及
嬪娥相顧倚樹嘯
鷓鷯無聲仰天立
圍人初進望雲騅
彩色顛顛眾馬欺
上前噴吼如有意
耳尖卓立節踈奇
君王試遣回胸臆
撮骨鋸牙駢兩肋
蹶縣四跼腦顛方
胯聳三山尾株直
圍人畏誚仍相惑
此馬無良空有力
頻頻嚙掣轡難施
往往跳趯鞍不得
色沮聲悲仰天訴
天不遣言君未識
亞身受取白玉羈
開口銜將紫金勒
君王自此方設騎
似遇良臣久悽惻
龍騰魚鼈咸震驚
驥盼驢騾少顏色
七聖心迷運方尾
五丁力盡路猶窄
橐它山上斧刃堆
望秦嶺下錐頭石

五六百里真符縣八十四盤青山驛掣開流電有輝光
突過浮雲無朕迹地平險盡施黃屋九九屬車十二纛
齊蹙前導引騅頭嚴震迎號抱騅足路旁垂白天寶民
望騅禮拜見騅哭皆言玄宗當時無此馬不免騎騾來
幸蜀雄雄猛將李令公收城殺賊豺狼空天旋地轉日
再中天子卻坐明光宮朝廷無事忘征戰校獵朝回暮
毬宴御馬齊登擬用槽君王自試宣徽殿圉人還進望
雲騅性强步闊無方便分駿擺杖頭太高擎肘回頭項
難轉人人共惡難回跋潛遣飛龍滅芻秣銀鞍繡韉不
復施空盡天年御槽活當時鄙諺已有言莫倚功高浪

開闢登山縱似望雲騅平地須饒紅叱撥長安三月花
垂艸果下翩翩紫騮好千官煖熱李令間百馬生猶望
雲老望雲騅爾之種類世世奇當時項王乘爾祖分配
英豪稱霸王爾身今日逢聖人從幸巴渝歸入秦功成
事遂身退天之道何必隨羣逐隊到外蹋紅塵

和李校書新題樂府十二首選一

馴犀

建中之初放馴象遠歸林邑近交廣獸返溪山鳥構巢
鷹鷂鷄鶻無羈鞅貞元之歲貢馴犀上林置圈官司養
玉盆金棧非不珍虎噉狴牢魚食網渡江之橘踰汶貉

反時易性安能長臘月北風霜雪淡踈局鱗身遂長往
行地無疆費傳驛通天異物罹幽枉乃知養獸如養人
不必人人自敦獎不擾則得之於理不奪有以多於賞
脫衣推食衣食之不若男耕女令紡堯民不自知有堯
但見安閒聊擊壤前觀馴象後馴犀理國其如指諸掌
有鳥二十章 選一

有鳥有鳥名老鴟鴞張貪很老不衰似鷹指爪唯攫肉
戾天羽翮徒翰飛朝偷暮竊恣昏飽後顧前瞻高樹枝
珠丸彈射从不去意在護巢兼護兒

古決絕詞

乍可爲天上牽牛織女星不願爲庭前紅槿枝七月七日一相見相見故心終不移那能朝開暮飛去一任東西南北吹分不兩相守恨不兩相思對面且如此背面當可知春風撩亂伯勞語況是此時拋去時握手苦相問竟不言後期君情既決絕妾意已參差借如死生別安得長苦悲

噫春冰之將泮何予懷之獨結有美一人於焉曠絕一日不見比一日於三年況三年之曠別水得風兮小而已波筍在苞兮高不見節矧桃李之當春競眾人而攀折我自願悠悠而若雲又安能保君皚皚之如雪感破

鏡之分明睹淚痕之餘血幸他人之既不我先又安能
使他人之終不我奪已焉哉織女別黃姑一年一度暫
相見彼此隔河何事無

夜夜相抱眠幽懷尙沈結那堪一年事長遣一宵說但
感久相思何暇暫相悅虹橋薄夜成龍駕侵晨列生憎
野鶴性遲回歔恨天雞識時節曙色漸瞳瞳華星次明
滅一去又一年一年何可徹有此迢遞期不如歿生別
天公隔是妒相憐何不便教相決絕

贈尙書右僕射謚文下邳白居易字樂天

新樂府

并序

序曰凡九千二百五十二言斷爲五十篇篇無定句
句無定字繫於意不繫於文首句標其目卒章顯其

志二云選三首

上陽人愍怨曠也

上陽人紅顏闇老白髮新綠衣監使守宮門一閉上陽
多少春元宗末歲初選入入時十六今六十同時采擇
百餘人零落年淡殘此身憶昔吞悲別親族扶入車中
不教哭皆云入內便承恩臉似芙蓉胸似玉未容君王
得見面已被楊妃遙側目妬令潛配上陽宮一生遂向
空房宿宿空房秋夜長夜長無寐天不明耿耿殘燈背

壁影蕭蕭暗雨打窗聲春日遲日遲獨坐天難暮宮鶯
百轉愁厭聞梁燕雙棲老休妬鶯歸燕去長悄然春往
秋來不記年唯向深宮望明月東西四五百回圓今日
宮中年最老大家遙賜尙書號小頭鞋履窄衣裳青黛
點眉眉細長外人不見見應笑天寶末年時世妝上陽
人苦最多少亦苦老亦苦少苦老苦兩如何君不見昔
時呂向美人賦又不見今日上陽宮人白髮歌

司天臺引古以倣今也

天文相變兩賦洪武重天

司天臺仰觀俯察天人際羲和夙來職事廢官不求賢
空取藝昔聞西漢元成間上陵下替謫見天北辰微闇

少光色四星煌煌如火赤耀芒動角射三台上台半滅
中台坼是時非無太史官眼見心知不敢言明朝趨入
明光殿唯奏慶雲壽星見天文時變兩如斯九重天子
不得知安用臺高百尺爲

紅線毯憂蠶桑之費也

紅線毯擇蠶繰絲清水煮揀絲練線紅藍染染爲紅線
紅於藍織作披香殿上毯披香殿廣十丈餘紅線織成
可殿鋪彩絲茸茸香拂拂線輓花虛不勝物美人躡上
歌舞來羅韞繡鞋隨步沒太原毯盪毳縷硬蜀都褥薄
錦花冷不如此毯溫且柔年年十月來宣州宣城太守

加樣織自謂爲臣能盡力百夫同擔進宮中線厚絲多
卷不得宣城太守知不知一丈毯用千兩絲地不知寒
人要煖少奪人衣作地衣

長恨歌

前進士陳鴻撰長恨歌傳曰開元中泰階平四海無
事明皇在位歲久倦於旰食宵衣政無小大始委於
右丞相淡居游宴以聲色自娛先是元獻皇后武淑
妃皆有寵相次卽世宮中雖良家子千數無可悅目
者上心忽忽不樂時每歲十月駕幸華清宮內外命
婦熠燿景從浴日餘波賜以湯沐春風靈液澹蕩其

閒上心油然若有顧遇左右前後粉色如土詔高力士潛搜外宮得宏農楊元琰女於壽邸既笄矣鬢髮膩理纖禮中度舉止閑冶如漢武帝李夫人別疏湯泉詔賜澡瑩既出水體弱力微若不任羅綺光彩煥發轉動照人上甚悅進見之日奏霓裳羽衣曲以導之定情之夕投金釵鈿合以固之又命戴步搖垂金璫明年冊爲貴妃半后服用由是治其容敏其詞婉變萬態以中上意上益嬖焉時省風九州泥金五嶽驪山雪夜上陽春朝與上行同室宴專席寢專房雖有三夫人九嬪二十七世婦八十一御妻暨後宮才

人樂府伎女使天子無顧盼意自是六宮無復進幸者非徒殊豔尤態致是蓋才智明慧善巧便佞先意希旨有不可形容者叔父昆弟皆列在清貫爵爲通侯姊妹封國夫人富埒王室車服邸第與大長公主侔而恩澤勢力則又過之出入禁門不問京師長吏爲側目故當時謠詠有云生女勿悲酸生男勿喜歡又曰男不封侯女作妃看女卻爲門上楣其人心羨慕如此天寶末兄國忠盜丞相位愚弄國柄及安祿山引兵鄉闕以討楊氏爲辭潼關不守翠華南幸出咸陽道次馬嵬亭六軍裹回持戟不進從官郎吏伏

上馬前請誅錯以謝天下國忠奉輦纓盤水歿於道
周左右之意未快上問之當時設言者請以貴妃塞
天下怒上知不免而不忍見其歿反袂掩面使牽之
而公蒼黃展轉竟就絕於尺組之下既而明皇狩成
都肅宗受禪靈武明年大凶歸元大駕還都尊明皇
爲太上皇就養南內遷於西內時移事公樂盡悲來
每至春之日冬之夜池蓮夏開宮槐秋落梨園弟子
玉琯發音聞霓裳羽衣一聲則天顏不怡左右歔歔
三載一意其念不衰求之魂寤杳不能得適有道士
自蜀來知上皇心念楊妃如是自言有李少君之術

明皇大喜命致其神方士乃竭其術以索之不至又能游神馭氣出天界沒地府以求之不見又旁求四虛上下東極大海跨蓬壺見最高仙山上多樓闕西廂下有洞戶東向闔其門署曰玉妃太真院方士抽簪扣扉有雙童女出應門方士造次未及言而雙鬟復入俄有碧衣侍女又至詰其所從方士因稱唐天子使者且致其命碧衣云玉妃方寢請少待之於時雲海沈沈洞天日晚瓊戶重闔悄然無聲方士屏息斂足拱手門下久之而碧衣延入且曰玉妃出見一人冠金蓮披紫綃佩紅玉曳鳳舄左右侍者七八人

揖方士問皇帝安否次問天寶十四年已還事言訖
閔默指碧衣取金釵鈿合各析其半授使者曰爲謝
太上皇謹獻是物尋舊好也方士受辭與信將行色
有不足玉妃因徵其意復前跪致詞請當時一事不
爲他人聞者驗於太上皇不然恐鈿合金釵負新垣
平之詐也玉妃茫然退立若有所思徐而言之曰昔
天寶十載侍輦避暑驪山宮秋七月牽牛織女相見
之夕秦人風俗是夜張錦繡陳飲食樹瓜果焚香于
庭號爲乞巧宮掖閒尤尙之夜殆半休侍衛於東西
廂獨侍上上凭肩而立因仰天感牛女事密相誓心

願世世爲夫婦言畢執手各嗚咽此獨君王知之耳
因自悲曰由此一念又不得居此復墮下界且結後
緣或爲天或爲人決再相見好合如舊因言太上皇
亦不久人間幸爲自安無自苦耳使者還奏太上皇
皇心震悼日日不豫其年夏四月南宮宴駕元和元
年冬十二月太原白樂天自校書郎尉於盤屋鴻與
琅邪王質夫家於是邑暇日相攜游仙游寺話及此
事相與感歎質夫舉酒於樂天前曰夫希代之事非
遇出世之才潤色之則與時消沒不聞於世樂天淡
於詩多於情者也試爲歌之如何樂天因爲長恨歌

意者不但感其事亦欲懲尤物窒亂階垂於將來也
歌既成使鴻傳焉世所不聞者予非開元遺民不得
知世所知者有明皇本紀在今但傳長恨歌云爾

漢皇重色思傾國御宇多年求不得楊家有女初長成
養在淡閨人未識天生麗質難自棄一朝選在君王側
回眸一笑百媚生六宮粉黛無顏色春寒賜浴華清池
溫泉水滑洗凝脂侍兒扶起嬌無力始是新承恩澤時
雲鬢花顏金步搖芙蓉帳煖度春宵春宵苦短日高起
從此君王不早朝承歡侍宴無閒暇春從春游夜專夜
後宮佳麗三千人三千寵愛在一身金屋妝成嬌侍夜

玉樓宴罷醉和春姊妹弟兄皆列土可憐光彩生門戶
遂令天下父母心不重生男重生女驪宮高處入青雲
仙樂風飄處處聞緩歌慢舞凝絲竹盡日君王看不足
漁陽鞞鼓動地來驚破霓裳羽衣曲九重城闕煙塵生
千乘萬騎西南行翠華搖搖行復止西出都門百餘里
六軍不發無奈何宛轉蛾眉馬前死花鈿委地無人收
翠翹金雀玉搔頭君王掩面救不得回看血淚相和流
黃埃散漫風蕭索雲棧縈紆登劍閣峩眉山下少人行
旌旗無光日色薄蜀江水碧蜀山青聖主朝朝暮暮情
行宮見月傷心夜色夜雨聞鈴腸斷聲天旋日轉回龍馭

到此躊躇不能去馬嵬坡下泥土中不見玉顏空在處
君臣相顧盡霑衣東望都門信馬歸歸來池苑皆依舊
太液芙蓉未央柳芙蓉如面柳如眉對此如何不淚垂
春風桃李花開夜秋雨梧桐葉落時西宮南苑多秋艸
宮葉滿階紅不掃梨園弟子白髮新椒房阿監青娥老
夕殿螢飛思悄然孤燈挑盡未成眠遲遲鐘鼓初長夜
耿耿星河欲曙天鴛鴦瓦冷霜華重翡翠衾寒誰與共
悠悠生歎別經年魂魄不曾來入牖臨邛道士鴻都客
能以精誠致魂魄爲感君王展轉思遂教方士殷勤覓
排空馭氣奔如電升天入地求之徧上窮碧落下黃泉

兩處茫茫皆不見忽聞海上有仙山山在虛無縹緲間
樓閣玲瓏五雲起其中綽約多仙子中有一人字太眞
雪膚花貌參差是金闕西廂叩玉扃轉教小玉報雙成
聞道漢家天子使九華帳裏臆魂驚擘衣推枕起裴回
珠箔銀屏邈迤開雲鬢半偏新睡覺花冠不整下堂來
風吹仙袂飄飄舉猶似霓裳羽衣舞玉容寂寞淚闌干
梨花一枝春帶雨含情凝睇謝君王一別音容兩渺茫
昭陽殿裏恩愛絕蓬萊宮中日月長回頭下望人寰處
不見長安見塵霧唯將舊物表淡情鈿合金釵寄將去
釵畱一股合一扇釵擘黃金合分鈿但教心似金鈿堅

天上人間會相見臨別殷勤重寄詞詞中有誓兩心知
七月七日長生殿夜半無人私語時在天願作比翼鳥
在地願爲連理枝天長地久有時盡此恨綿綿無絕期
琵琶行 并序

元和十年予左遷九江郡司馬明年秋送客湓浦口
聞船中夜彈琵琶者聽其音錚錚然有京都聲問其
人本長安倡女嘗學琵琶於穆曹二善才年長色衰
委身爲賈人婦遂命酒使快彈數曲曲罷憫默自敘
少小時歡樂事今湮淪顛顛轉徙於江湖間予出官
二年恬然自安感斯人言是夕始覺有遷謫意因爲

長句歌以贈之凡六百一十六言命曰琵琶行

潯陽江頭夜送客楓葉荻花秋瑟瑟主人下馬客在船
舉酒欲飲無管弤醉不成歡慘將別別時茫茫江浸月
忽聞水上琵琶聲主人忘歸客不發尋聲暗問彈者誰
琵琶聲停欲語遲移船相近邀相見添酒回燈重開宴
千呼萬喚始出來猶抱琵琶半遮面轉軸撥弤三兩聲
未成曲調先有情弤弤掩抑聲聲思似訴平生不得意
低眉信手續續彈說盡心中無限事輕攏慢撚抹復挑
初爲霓裳後六么大弤嘈嘈如急雨小弤切切如私語
嘈嘈切切錯雜彈大珠小珠落玉盤閒關鶯語花底滑

幽咽泉流水下灘水泉冷澀弜疑絕疑絕不通聲暫歇
別有幽愁暗恨生此時無聲勝有聲銀瓶乍破水漿迸
鐵騎突出刀槍鳴曲終收撥當心畫四弜一聲如裂帛
東舟西舫悄無言唯見江心秋月白沈吟放撥插弜中
整頓衣裳起斂容自言本是京城女家在蝦蟆陵下住
十三學得琵琶成名屬教坊第一部曲罷曾教善才伏
妝成每被秋娘妒五陵年少爭纏頭一曲紅綃不知數
鈿頭雲篋擊節碎血色羅裙翻酒污今年歡笑復明年
秋月春風等閒度弟走從軍阿姨舛暮去朝來顏色故
門前冷落鞍馬稀老大嫁作商人婦商人重利輕別離

前月浮梁買茶去來江口守空船繞船月明江水寒
夜淡忽寢少年事寢嘯妝淚紅闌干我聞琵琶已歎息
又聞此語重唧唧同是天涯淪落人相逢何必曾相識
我從去年辭帝京謫居臥病潯陽城潯陽小處無音樂
終歲不聞絲竹聲住近湓江地低溼黃蘆苦竹繞宅生
其間旦暮聞何物杜鵑嘯血猿哀鳴春江花朝秋月夜
往往取酒還獨傾豈無山歌與村笛嘔啞嘲哢難爲聽
今夜聞君琵琶語如聽仙樂耳暫明莫辭更坐彈一曲
爲君翻作琵琶行感我此言良久立卻坐促絃絃轉急
淒淒不似向前聲滿坐重聞皆掩泣坐中泣下誰最多

江州司馬青衫溼

醉後走筆酬劉五主簿長句之贈兼簡張大賈二十四
先輩昆季

劉兄文高行孤立十五年前名翕習是時相遇在符離
我年二十君三十得意忘年心迹親寓居同縣日知聞
衡門寂寞朝尋我古寺蕭條暮訪君朝來暮去多攜手
窮巷貧居何所有秋燈夜寫聯句詩春雪朝傾煖寒酒
陴湖綠愛白鷗飛濉水清憐紅鯉肥偶語閒攀芳樹立
相扶醉躡落花歸張賈弟兄同里巷乘閒數數來相訪
雨天連宿艸堂中月夜徐行石橋上我年漸長忽自驚

鏡中冉冉髭鬢生心畏後時同勵志身牽前事各求名
問我栖栖何所適鄉人薦爲鹿鳴客二千里別謝交游
三十韻詩慰行役出門可憐唯一身敝裘瘦馬入咸秦
萼萼街鼓紅塵闇晚到長安無主人二賈二張與余弟
驅車邈迤來相繼操詞握賦爲干戈鋒銳森然勝氣多
齊入文場同苦戰五人十載九登科二張得雋名居甲
美退爭雄重告捷棠棣輝榮竝桂枝芝蘭芳馥和荆葉
唯有沅犀屈未申握中自謂駭雞珍三年不鳴鳴必大
豈獨駭雞當駭人元和運啟千年聖同遇明時余最幸
始辭祕閣吏王畿遽列諫垣升禁闈蹇步何堪鳴佩玉

衰容不稱著朝衣。閫闔晨開朝百辟。冕旒不動香煙碧。
步登龍尾上。虛空立。忝天顏無咫尺。宮花似雪從乘輿。
禁月如霜坐直廬。身賤每驚隨內宴。才微常媿艸天書。
晚松寒竹新昌第。職居密近門多閉。日暮銀臺下直回。
故人到門門暫開。回頭下馬一相顧。塵土滿衣何處來。
斂手炎涼敘未畢。先說舊山今悔出。岐陽旅館少歡娛。
江左羈游費時日。贈我一篇行路吟。吟之句句披沙金。
豈非徒催白髮貌。泥塗不屈青雲心。誰會茫茫天地意。
短才淺用長才棄。我隨鵷鷺入煙雲。謬上丹墀爲近臣。
君同鸞鳳棲荆棘。猶著青袍作選人。惆悵知賢不能薦。

徒爲出入蓬萊殿，月慚諫紙二百張。歲愧奉錢三十萬，
大底浮榮何足道。幾度相逢卽身老，且傾斗酒慰羈愁。
重語符離問舊游，北巷鄰居幾家去。東林舊院何人住，
武里村花落復開。流溝山色應如故，感此酬君千字詩。
醉中分手又何之，須知通塞尋常事。莫歎浮沈先後時，
慷慨臨歧重相勉。殷勤別後加餐飯，君不見買臣衣錦
還故鄉，五十身榮未爲晚。

東墟晚歇

涼風冷露蕭索天，黃蒿紫菊荒涼田。繞冢秋花少顏色，
細蟲小蝶飛翻翻。中有騰騰獨行者，手拄漁竿不騎馬。

晚從南澗釣魚回歇此墟中白楊下褐衣半故白髮新
人逢知我是何人誰言渭浦棲遲客曾作甘泉侍從臣
放旅雁

九江十年冬大雪江水生冰樹枝折百鳥無食東西飛
中有旅雁聲最飢雪中啄艸冰上宿翅冷騰空飛動遲
江童持網捕將去手攜入市生賣之我本北人今譴謫
人鳥雖殊同是客見此客鳥傷客人贖汝放汝飛入雲
雁雁汝飛向何處第一莫向西北去淮西有賊討未平
百萬甲兵久屯聚官軍賊軍相守老食盡兵窮將及汝
健兒飢餓射汝喫拔汝翅翎爲箭羽

大理評事吳興楊衡字仲師

哭李象

白雞黃犬不將去寂寞空餘葬時路
艸外花開年復年
後人知是何人墓憶君思君獨不眠
夜寒月照青楓樹
宿雲溪觀賦得秋燈引送客

雲房寄宿秋夜客一燈熒熒照虛壁
蟲聲呼客客未眠
幾人語語清景側不可離別愁紛多
秋燈秋燈奈別何

司空椽邯鄲劉言史

買花謠

杜陵村人不田穡入谷經谿復緣壁
每至南山艸木春

卽向侯家取金碧幽豔凝華春景曙林夫移得將何處
蝶惜芳叢送下山尋斷孤香始回公豪少居連鳩鵲東
千金使買一株紅院多花少栽未得零落綠娥纖指中
咸陽親戚長安里無限將金買花子澆紅溼綠千萬家
青絲玉轡聲啞啞

武甯節度使隴西李廓

雞鳴曲

星稀月沒入五更膠膠角角雞初鳴征人牽馬出門立
辭妾欲向安西行再鳴引頸檐頭下樓中角聲催上馬
纔分曙色第三鳴旌旆紅塵已出城婦人上城亂招手

夫婿不聞遙哭聲長恨雞鳴別時苦不遣雞棲近窗戶
鏡聽詞

匣中取鏡辭竈王羅衣掩盡明月光昔時長著照容色
今夜潛將聽消息門前地黑人來稀無人錯道朝夕歸
更淡薄體冷如鐵繡帶菱花懷裏熱銅片銅片如有靈
願照得見行人千里形

進士鄭嶠字賓先

津陽門詩

并序

津陽門者華清宮之外闕南局禁闈北走京道開成
中嶠常得羣書下帷於石甕僧院而甚聞宮中陳迹

飄蕭雪鬢雙垂頤。問余何往陵寒曦。顧翁枯朽郎豈知。
翁曾豪盛客不見。我自爲君陳昔時。時平親衛號羽林。
我纔十五爲孤兒。射熊搏虎眾莫敵。彎弧出入隨。伏飛
此時初。剗觀風樓檐高百尺。堆華榱樓南更起鬥雞殿。
晨光山影相參差。其年十月移禁仗。山下櫛比羅百司。
朝元閣成老君見。會昌縣以新豐移幽州。曉進供奉馬
玉珂寶勒黃金羈。五王扈駕夾城路。傳聲校獵渭水湄。
羽林六軍各出射。籠山絡野張罝維。彫弓繡鞞不知數。
翻身滅沒皆蛾眉。赤鷹黃鶻雲中來。妖狐狡兔無所依。
人煩馬殆禽獸盡。百里腥羶禾黍稀。煖山度臘東風微。

宮娃賜浴長湯池刻成玉蓮噴香液漱迴煙浪淡透迤

犀屏象薦雜羅列錦鳧繡雁相追隨破簪碎鈿不足拾

金溝殘溜和纓綏上皇寬容易承事十家三國爭光輝

繞牀呼盧恣擲博張燈達晝相謾欺相君侈擬縱驕橫

日從秦號多游嬉朱衫馬前未滿足更驅武卒羅旌旗

畫輪寶軸從天來雲中笑語聲融怡鳴鞭後騎何躑躅

宮妝襟袖皆仙姿青門紫陌多春風風中數日殘春遺

驪駒吐沫一奮迅路人擁篲爭珠璣八姨新起合歡堂

翔鷗賀燕無由窺萬金酬工不肯去矜能恃巧猶嗟咨

四方節制傾附媚窮奢極侈沽恩私堂中特設夜明枕

銀燭不張光鑿帷瑤光樓南皆紫禁梨園仙宴臨花枝
迎娘歌喉玉竒窈蠻兒舞帶金葳蕤三郎紫笛弄煙月
怨如別鶴呼羈雌玉奴琵琶龍香撥倚歌促酒聲嬌悲
飲鹿泉邊春露晞粉梅檀杏飄朱墀金沙洞口長生殿
玉女峯頭王母祠禁庭術士多幻化止前較勝紛相持
羅公如意奪顏色三藏袈裟成散絲蓬萊池上望秋月
無雲萬里縣清輝上皇夜半月中忝三十六宮愁不歸
月中祕樂天半聞丁璫玉石和埴篴宸聰聽覽未終曲
卻到人間迷是非千秋御節在八月會同萬國朝華夷
花萼樓南大合樂八音九奏鸞來儀都盧尋橦誠齷齪

公孫劍伎方神奇馬知舞徹下牀榻人惜曲終更羽衣
祿山此時侍御側金雞畫障當罨罟繡裯衣襟日肩鬣
甘言狡計愈嬌癡詔令上路建甲第樓通走馬如飛翬
大開內府恣供給玉缶金筐銀簸箕異謀潛熾促歸去
臨軒賜帶盈十圍忠臣張公識逆狀日日切諫上弗疑
湯成召浴果不至潼關已溢漁陽師御街一夕無禁鼓
玉輅順動西南馳九門回望塵坌多六龍夜馭兵衛疲
縣官無人具軍頓行宮徹屋屠雲螭馬嵬驛前駕不發
宰相射殺寃者誰長眉鬢髮作凝血空有君王潛涕洟
青泥坂上到三蜀金隄城邊止九旂移文泣祭昔臣墓

度曲悲歌秋雁辭明年尙父上捷書洗清觀闕收封畿
兩君相見望賢頓君臣鼓舞皆歔歔宮中親呼高驃騎
潛令改葬楊真妃花膚雪豔不復見空有香囊和淚滋
鑾輿卻入華清宮滿山紅實垂相思飛霜殿前月悄悄
迎春亭下風颼颼雪衣女失玉籠在長生鹿瘦銅牌垂
象牀塵凝罨颯被畫檐蟲網頗梨碑碧菱花覆雲母陵
風篁雨菊低離披真人影帳偏生艸果老藥堂空掩扉
鼎湖一日失弓劍橋山煙艸俄霏霏空聞玉椀入金市
但見銅壺飄翠帷開元死到今踰十紀當初事跡皆殘隳
竹花唯養棲梧鳳水藻周游巢葉龜會昌御宇斥內典

公畱二教分黃緇慶山汙瀦石甕毀紅樓綠閣皆支離
奇松怪柏爲樵蘇童山智谷亡嶮巖煙中壁碎摩詰畫
雲間字失元宗詩石魚巖底百尋井銀牀下卷紅綆遲
當時清影蔭紅葉一旦飛埃埋素規韓家燭臺倚林杪
干枝燦若山霞摘昔年光彩奪天月昨日銷鎔當路歧
龍宮御牕高可惜火焚牛挽臨崎嶇孔雀松殘赤琥珀
鴛鴦瓦碎青琉璃今我前程能幾許徒有餘息筋力羸
逢君語此空灑涕卻憶歡娛無見期主人莫泣聽我語
甯勞感舊休吁嘻河清海宴不難覩我皇已上昇平基
湟中土地昔淹沒昨夜收復無瘡痍戎王北走棄青冢

虜馬西奔空月支兩逢堯年豈易偶願翁頤養豐膚肌
平明酒醒便分手今夕一尊翁莫違

宏文館校書郎澧州李羣玉字文山
醒起獨酌懷友

西風靜夜吹蓮塘芙蓉破紅金粉香摘花把酒弄秋芳
吳雲楚水愁茫茫美人此夕不入牕獨宿高樓明月涼
薦給事中餘杭羅隱字昭諫

江南曲

江煙溼雨蛟綃軟漠漠小山眉黛淺水國多愁又有情
夜槽壓酒銀船滿細絲搖柳凝曉空吳王臺榭春窻中

鴛鴦鷓鴣喚不起平鋪綠水眠東風西陵路邊月悄悄
油碧輕車嫁蘇小莫莫小山風蕪水國空想又齊諧
辭陽陶鑿栗歌

平泉上相東征日曾爲陽陶歌鑿栗烏江太守會稽侯
相次三篇皆俊逸橋山殯葬衣冠後金印蒼黃南去疾
龍樓冷落夏口寒從此風流爲廢物人間至藝難得主
懷抱參差恨星律邗溝僕射戎政間試渡瓜洲吐伊鬱
西風九月艸樹秋萬喧沈寂登高樓左篁揭指徵羽吼
煬帝起坐淮王愁高飄咽滅出滯氣下感知已時橫流
穿空激遠不可遏髣髴似向伊水頭伊水林泉今已矣

因取遺編認前事武宗皇帝御宇時四海恬然知所自
掃除桀黠似提箒制壓羣豪若穿鼻九鼎調和各有門
謝安王儉眞兒戲功高近代竟誰知藝小似君猶不棄
勿惜喑鳴更一吹與君共下難逢淚

七言歌行第五卷